

萬一樓集

諸暨圖書館
ZHUJI LIBRARY





諸暨圖書館
— ZHUJI LIBRARY —

萬一樓集卷十三

雜詩

應相叔秋試後還山著

銓曹雖注選桂籍尚虛名黑髮他鄉變青山故里迎石田沙際犢茅屋夜深檠莫笑平津晚平津晚始成

咏史

孟公頗放縱嗜酒亦多愆三爲一石至死稱豪賢伯松良博達廉儉苦自勤雖作丹陽守家貧門無賓俠客法度士孰非還孰是國器說鴟夷盛酒乃其事人生各有性強易俱非



諸暨駱問禮子本 著



正君子蹈其常達人適真興行異心同趣交情終不渝卑卑

一隅子岐路泣楊朱

贈謝明府入

觀

仗劍倚銀鞵關亭酒似泉平林輕帶月曲渚渺生烟五稔存
長慮千村足社錢行旌何日還竹馬杏花前

次韻再贈謝明府

仙令趨天闕平階見六符鼓鐘傳五鳳冠佩點雙鳧朝

雨花盈縣春風柳載途重來旌蓋色應比去時都

贈甘少府入觀

解鞍纔入幕結旆又趨

宸霜落山城柳風清驛路塵

神

京春日麗列第酒樓新枯槁逢人問漁舟泌水濱

鄭懋長回自京師

憐君挈書劍瀟灑事長征依人未爲得遇主良足稱縱觀廣
陵濤頓使錢塘輕度淮瞻春色飛漕千艘并薊門連碣石
天闕紫雲層主人驄馬麗客子鸛裘清如何不半載買棹詢
歸程解裝慰妻子依然留青萍君家富文藻三世傳冠纓看
君眉宇秀奚謝父與兄鱗翅願委戢利名兩無成窮通天所
命世路多變更承家重名行豈問衰與榮梁鴻詎非夫五噫
有遺聲溪魚磯石在牢犢春草青理釣斬渭竹肩犁傍河檉
優游堪卒歲何必遠遊行

對酒與新安程君話別因簡雲間盛僉憲蓋程往雲間予將

計數輩北上而盛久致政云草青野綠神清氣爽

蘭佩引杯芳相看各理裝門羅憐客散籬菊笑人忙鴈掠行

舟月琴清逆邸霜何如高臥者爐火自生光

北行別翁孝成鄭懋長鄭伯安暨家兄舜傳

玉劍芳樽對綺琴共憐萬里動孤征浮沉世路枕中夢聚散

風塵海上萍雪霽長松新月掛雨餘深竹暗烟生明朝青眼

還誰是翦燭狂歌信五更

次韻別顏傳

君守衡茅我問程行藏俱愧未成名枕懷竹帛聽雞起劍逐

星霜背鴈征越嶠千巖秋霧靄
薊門雙關曉雲輕欲將心事
詢詹尹龜筮猶然昧世情

西湖訪林懷玉憲副二首

門掩草堂深雲檐傍竹林
猶離同問歲駭貌各憐心石鼎燒
檀屑瑤琴出野音倦遊君莫詫
猶恐詔書臨

其二

城市非嫌入君家自姓林
嶼梅寒有色野鶴靜多音
巨浸澄秋練高峯落晝陰
苔堦畱履跡何日更容尋

編窄吟

有序

過杭謁故冢宰道不才所以久淹常
調爲張江陵銜

之深每愁眉對當事者曰此君褊窄因思得罪時

聖旨亦謂語多狂妄病固有相因者吟以自警

聖主容狂妄元臣難褊窄浮沉二十年冠服無顏色憶昔崢
嶸氣入雲欲憑堯舜成殊勳事與心違應永訣杜陵意拙猶
臯契丈夫意氣天篤生離披阻抑那能更天地寬仁大猷
式安知褊窄非正直一斥宗元不再歸三朝顏駟將何爲請
劍心猶壯肩犁力未衰造命在君相安命非我誰三槐五
柳尋常事白髮清尊掩暎輝

贈湯海若進士

老懷無可語道路忽逢君停舟一傾蓋翦燭幾呼尊看君意

氣吞山海說劍揮毫天色改禹鼎周刀漢殿雄蘭臯芷畹荆
邱彩君有綠綺琴我有偈仄吟調絃彈我曲響絕意更深風
塵千里同奔走時見精英燭星斗瓊林宴後玉堂新還識騎

驢僮父否

登虎邱

一生淹左籍廿載背名山見塔神飛動停舟意轉煩漫遊悲
壯志勝境謝衰顏臺殿莓侵蘄巖崖草壓蘭岱宗雄遠觀震
澤撼危欄吳越圖元壯孫劉話亦殘舉杯延晚色匣劍扣晨
關迢遞烟雲外繁愁不可刪

錫山遲湯進士

小舸橫孤劍蕭條天一涯苦寒偏怯路失伴倍思家危堞籠
斜日高枝歸倦鴉彈棋連夜客何處戀芳華

毗陵夜泊

臘盡賦歸休猶然滯一舟隔河人語雜傍郭市燈幽風勢難
成夢雨聲偏送愁離騷舊曾讀暗憶轉悠悠

觀獵

駿馬雕弓挾健奴十金爲買一韓盧如何牽出東門去不搏
豺狼搏兔孥

雨泊

雨急天昏風怒號小舟蕩漾野江臯中宵擁被思前事鴈起

沙汀語似嘲

賦得盆菊贈曉上人

子立小盆中無心戀舊叢
微籠旭日挺挺競秋風
雅質疎籬映輕芳密院空
經聲隨磬發清供一枝濃

壬午除夕

雲靄天光蔽雪消
檐溜鳴寒燈照書劍瘦
影怯冠纓百年名
行缺四海譏評增
所恃心無愧敢云言何憑
風生才動草林鬱
始遷鶯娶孤顧
搨舅盜嫂或無兄
今古良不異寵辱何須
驚一炊成大夢
五鬼隨窮形
擾擾頭自白
悠悠眼誰青
禦寒重裘在涉險
方舟橫所憂周道頗
能使禹跡升
歲事蛇歸壑

人情大吹聲行藏關運命貴賤見交情春風明日到還識舊
茅衡

癸未元旦

四海朝元日孤臣省咎時是非雙髻短得失寸心知殘雪迎
春盡明霞待照遲扃門謝賓客不是愛吟詩

豐韻答舜傳

譽毀原無定衰榮固有時學雖為世用道豈在人知戀主誰
嫌達抽身自愧遲海鷗從此狎多事尚吟詩

舜傳兄六旬次韻

力健身閒自足憐殘冬初度轉蕭然授經性懶從無地買米

錢艱願有年竹箭數枝荒徑外梅花一樹小窻前門庭積雪

錢艱願有年竹箭數枝荒徑外梅花一樹小窻前門庭積雪
行踪斷知是袁安白晝眠

次韻慰汝誠

賦

丈夫同稟受誰弱又誰強香漢心懸日風塵髯畏霜晚成知
俊偉高臥勝奔忙鐵硯還畱在移將共竹房

小集次舜傳韻是日雪

詩脾春引動酒興雪添濃得失泥中獸行藏天外鴻浮雲曾
蔽日勁草詎隨風試檢賢豪傳酣歌似有功

蘇并冢宰張公招飲西湖別墅

湖光山色洗簾濃畫舫瓊樓執几從多口壯心嗟伏櫪白頭

青眼愧登龍亭依古墓梅林鶴堤跨長橋柳陌風對景猛思
詢往事飛雲歸鳥夕陽中

齋日林懷玉憲副話別西湖有贈次答

世情誰肯惜著簪况刈著薪雉兔林舟出野橋雲乍散琴清
山閣月將沉蒼蠅白壁千年跡樞馬鹽車萬里心曾過王陽
回馭處嵩衡溟渤愧高深

公赴任以道遠告休故云

大夫余見齋沈襟江

兀障層樓刻羽歌故人心事總堪多鷗波此日同蘭櫂豸繡
當年並玉珂紫禁雲開春日麗翠微雨霽晚風和山林廊廟
皆熙宇肯向尊前說髻蟠

高岸長河一舸輕
牙琴豐劍對騷經
禁嚴當路徒青眼
宦左臨關類白丁
麩麥兩尾翻翠浪
櫻桃百里綴紅纓
物華春晚猶多色
斂衽鈎簾思轉清

揚州遇陳聞野府幕

千里維揚道孤危
碣石船恩光懷往日
名姓點清僚猛喜

蠅隨驥翻疑鹿覆蕉

予舊量移府推未及任云

漫遊傷髻短勝覽荷風調

河濬淮方定湖平江自濤
兩城花木麗萬舸管絃驕
仙藥雲深觀清音月滿橋
故人欣跨鶴客子豔吹簫
吏隱兼蓮幕浮沉視斗杓
別筵嗟忽漫古賦雜新騷

東家出婦緣色絕冢婦妬深媒且孽一時事白舅姑憐依然
綺瑟調朱絃西家出婦緣失肉鄰嫗束薪猶未復徒令玉質
負瑕聲專房計得潛自矜世間豈少如花貌祖廟曾從三月
告固知苦樂甘由人君家黑白須認真

感事

木以從繩直珠原忌暗投漢家自有制周士豈無儔梅熟江
南雨鴻飛塞北秋防川如不潰足慰杞人憂
桃源道中
長河欣利涉尤喜少逢迎舟穩憑濤怒帆遲拂柳輕懸厓迷

舊蹟飛燕賀新晴世路由來熟蕭條未足驚

邳州道中

世味今如此離披尚北行
鬢疎年少訝官左故人輕野店商
舟倚叢祠梵鼓鳴夕陽猶在樹
迤邐過長亭

泊徐

饘粥頗自足猶然慕榮名
少壯落人後垂老信所營
栖遲詢道路古驛臨荒汀
依依堤柳綠渺渺沙鷗明
逐餌竟何益傷弓有餘驚
兀騶奚足論一劍由來橫
怒擲還笑拾隱隱蛟龍鳴

登黃樓

陸行艱騎水艱舟獨抱琴尊郭北樓
 古道向夷終有遇世情
 逢好為無求河收秦晉邊塵遠
 野入齊滕岱色浮萬里車書
 周制在忍將冠蓋混凡流

泊徐莫憲副來查行色自歎

客久依人慣名微識者稀
 行踪忙裏錯地主暗中疑
 酒罄章

翻甕詩成自解頤定知非國士
 容兵問前期

過滕縣

里巷渾如舊故人今已非
 堪嗟十年事蝴蝶夢中迷

汶上道中

野曠青無際天空碧似流
 斜陽歸馬急荒聚晚烟浮
 投舍人

爭席悲歌客飯牛風塵千里道誰遣白頭遊

由東平之東阿卽事

閱閱荒城楔麒麟古隴蒿山程石齒齒野店犬吠吠霸佐臺
基在名賢祀宇高風塵同擾擾誰復辨人豪

德州渡

河自衛來滄海接原緣魯去岱峯臨問津幾抱孤桐過斜日

高城綠樹林

草東景州城樓標漢醇儒董子故里

今古旌賢表宅闔名城高榜漢醇儒當時東閣延多士寥廓
從誰問故居

行路難

君莫輕人賤垂翅冥鴻暫輸燕君莫輕人老松柏蔥蒼異春
草東之非少衛青奴相才侯骨今豈無華堂賓從如雲擁道
譽古今爭顧寵雅知富貴在青春爲蛇爲龍各有辰

過孟廟

執簡垂紳贊廟謨誰輕華要重奠孤九原夫子如堪作應道
儀秦是丈夫宇高風激同對楚辭人

南鎮次壁韻

茅衡塵淨雨痕收買笑當墟玉轡頭暗數詩人誰白髮况逢
從事有青州

其二

遙看直北彩雲收，知是千官散陛頭。
散髮離披茅店臥，敢言無夢繞皇州。

阜城次壁韻

月色常隨車馬聲，白頭猶作少年行。
烟波暮雨衝鷗起，桐阜朝陽憶鳳鳴。
咄咄笑人嗟鄧禹，沾沾棄世愧君平。
馬前惟有青萍劍，能識廷疎萬里情。

將風過漢毛生祠二首

檣腫楊長夾，廟清瓣香束帶暗。
論評當時儘盡坑焚力，不識先生腹有經。

其二

澤葦原蒿兵火餘誰甘寂寞守詩書表章不及諸儒在紫禁
秋風冷石渠

至京

海内存孤蹇 皇圖值中興御堤清露浥 禁閣彩霞明當
路多同輩名家總後生馮唐合潦倒扣門闕欲何營

京邸雜興二首

已分老鄉園無端都市眠暫閉天雨甚多誤世情鮮劍怒常
吞匣琴清不改絃雅懷誰復識槐月照檀烟

其二

擾擾風塵裏方晨不覺昏候人時惜馬避客日扁門雙柏沉

擾擾風塵裏方晨不覺昏
候人時借馬避客日扃門
雙柏沉深院叢蘭簇小盆
儘堪清俗慮何似浣紗村

賦次費柱峯光祿韻

壯懷同戀中興時促席渾忘日影移
杞柳春風三徑宅薔薇秋色五侯池
卜居久已慚詹尹學道終宜問鍊師
零落幾人存故舊斂襟欣賞向陽姿

其二

敷猷旋拯荷公皇威負劍重思覽
德輝浮譽漸微知己薄壯心如素故
顏非鳳儀快覩雲霄遠驥力爭雄道
路違行計無成歸計在清流綠蔭繞
衡扉

無如疊韻贈費光祿契丈

留垣清切接容威
燕市重逢錦服輝
詩句人傳悲且壯
酒徒自許是還非
公車需次才添我
內署儲銜志未違
莫訝鳳毛多異色
世家勲業舊黃扉

其二

蘇州賞

圖

少壯風流彼一時
飄然寧識世情移
久慙雜佩空蘭畹
驀喜詩名動鳳池
愚谷子真原可友
金門曼倩更堪師
相逢莫厭相過數
九轉誰成鐵石姿

疊韻再呈費光祿契丈

宣室徒懷咫尺威
顧瞻袍笏不生輝
八千柳厚寧辭遠
五十

遠境始識非請劍
風裁今古壯
彈冠心事後先違
蕭條旅邸

蘧瓊始識非請劍風裁今古壯彈冠心事後先違蕭條旅邸
懸孤榻好似柴桑晝掩扉

其二

落魄三朝不遇時惟餘衷素未曾移琴書欲返王官谷魂夢
終迷太液池恥向同袍稱晚學况多異論負先師看花總入
紅塵陌誰認元都舊日姿

帶干次費光祿韻

葦箔藤牀少客過晝長其奈睡魔何茶鑪童僕新編竹花事
池亭久禪荷塵起侯門麟閣報月明仙館洞簫歌解嘲莫訝
揚雄漫魯殿秦碑總薜蘿

對林其二
烈素輕懸報蘇

要路閉門信所過
折腰強項奈時何
御園春日烘桃李
笠澤秋風拂芰荷
激烈有懷同犬馬
太平隨處足絃歌
栖栖莫訝常干祿
已結茅亭倚翠蘿

珠華次湯海若進士韻

圖

總角英標四海聞
公車此日遇明君
滕王閣迴湖波燕
暎市臺高漢色分
愛我鼓琴詞失楚
感時說劍氣橫汾
漫逢倏別情無限
南北同看萬里雲

繼歷過淮山柴桑畫餅題

萬里河流定千年漕運通
兩淮安寢食四海集
艫艫曉色檣

穿日秋聲柁鼓風笑歌新柳陌寂寞舊龍宮
屋建瓴原易城

穿口秋聲柸鼓風笑歌新柳陌寂寞舊龍宮屋建瓴原易城
呼響自雄已知堯誕德因識禹多功陵寢烟霞麗桑禾雨露
濃客程欣利涉把酒從容盡回首一前歌

偶見

推蓬臨小鏡拂拭忘移時玉筋纖攢筍烏雲細挽絲巫姬行
雨倦樵女浣紗遲若問宵來事幽懷祇自知

日出其二

糝罷重開匣抽簪復畫眉更衣初日照倚檻惠風吹鳳舞秦
樓上魚驚洛水隈舟回忽不見心事付深杯

富春道中

高樓

卷三

三

疊疊高山夾大江蕭蕭疎雨帶斜陽胥濤遠送千秋月巖瀨
清涵兩岸霜水題長回念不見心事於將林
日出水猶烟霞流見碧天村春輪瀑湔市酤旆飈旋郭近人
閒問舟停僕宴眠通津紛去住誰辨執輿賢

倚馬秋堪掬郵亭酒一尊芙蓉紅鏡日橘柚綠連雲水曲頻
經渡原平不辨村鄉關明日盡回首一消魂

萬一樓集卷十三

終

萬一樓集卷十四

諸暨駱問禮子本 著

九月草萍兪山人園中賞牡丹
已是重陽後春花放幾枝人皆誇異種我肯嘆非時始著凌
霜操終含浥露姿山翁勤愛惜畱薦漫遊卮

遊武夷

雲深谷杳稔仙芝翠擁丹流映酒卮古祀壇高存漢跡幔亭
事幻說秦時梯懸絕壁峯峯麗舟遡清波曲曲奇一日幽探
千日夢肯嫌遲暮在天涯

大樹篇

樹在福建行都司園中有大樹堂

大樹將軍大樹堂堂前樹大過於堂幹陵西蜀欺古柏根蟠
東海連扶桑想當一芽初拆裂亦與萬彙同華芳神工培養
忘歲月主人愛護輕琳琅參天圍地無丈尺溜雨凝霜齊鐵
石上游八閩當要關深鎖重城據雄宅雲飛輕散武夷春露
灑遙添劍津澤琴清鸞鳳月下翔風吼鯨鯢海中辟漫遊四
表百慮降顧瞻三嘆雙眉揚急呼袍笏當我拜忽羅尊俎催
人狂廟堂固久須梁棟疆場不獨存甘棠大材用世古非易
神物真全今豈常

至夜登寧海樓次龔侍御中秋韻

樓在漳南
守道內

風靜雲開月滿樓深冬炎微似清秋城涵海氣沉金拆簾裊
山光上玉鈎老遇明時存直道醉酬佳節是良謀迂疎何
事還堪笑潦倒猶思萬里侯

對月次龔侍御韻

銀壺催月上竹露溼窻寒引嘯攢鯨浪儺詩煮鳳團蛩啾聲
自急牛斗氣誰看莫訝人千里關山色一般自垂垂漸景

登寧海樓

岸幘披襟恣遠眸憑欄徙席引輕輿支離朝野惟孤劍兀突
乾坤更幾樓潮上海澄溪盡應雲開天寶雨初收浪遊蹤跡
渾難定白日蒼烟萬里秋

欲遊九鯉不果里

武夷巖壑遍攜筇九鯉雲深路未通塵世百年真幻夢邯鄲

何必遇仙翁

莆陽道中見梅時臘月朔日也

地暖冬無雪村深早見梅橫在方默默傍驛自垂垂清景連

詩社輕香襲酒杯故園開幾樹應望遠人歸

辭漳

滇洱片傳笑汀漳更策名七年官尚舊兩月政何成偶為存

迂拙猶令掌法程 新恩真浩蕩雅志復崢嶸未盡初來意

還櫻去後情山川宏氣槩文獻足儀刑天寶千峯拱龍溪百

折海鯨春隱浪里犬夜潛聲共喜安農賈誰真在甲兵撫

折平海鯨春隱浪里犬夜潛聲共喜安農賈誰真衽甲兵撫
綏宜緩獄苛察似非經當道洪猷暢私衷素望輕劍光慚髀
肉鏡字辱冠纓官署題梅閣關城載酒亭春風回楚澤欲去
更停旌

石珠庵蕭使君賦

石珠纍纍大如斗驪龍寶護沉淵久江神一日乘海濤擁至
名庵當座右使君才大度亦大張口鯨吞視如芥昔時在夢
今在菴瞥見不語心自解人生得喪豈偶然世情碌碌徒自
煎丈夫百歲貴適志何須紆紫君王前菴前寶塔百尺餘菴
中寶珠光與俱使君明德照山海吞吐幻兆符神樞神樞運

世總大夢夢覺神樞亦成夢行人不必問菴名江上雲山萬

古青火百劫黃銀志

合亦石珠庵別蕭全吾年文

漫逢還漫別客裏夢中身鄉思殘年急交情末路真遠峯晴

雪暎幽澗小桃新明日關山渺從誰更問津日乘

出閩

閩海馳驅席未温雙旌轉指楚江濱君恩素稔容將父家

報新傳喜得孫疎雨淡烟岡路寂老梅殘雪野橋暎荷亭剩

有陽關意回首千山幾暮雲

荷亭省中諸公送別處也

憶閩

留帶關河外蕭條雨雪中雲霞迷九鯉津閣隱雙龍山色寒

塔下祠臨驛燈前劍對冠鄉山雲外出江邑雪中寒歲盡歸
心急官疎任限寬春風如有意先到浣溪干

景安桐江元旦

小艇艤津亭冠裳照水清避風頻徙纜待日暫停旌俗慎難

生客村荒接廢城兒曹懷獻歲寧識漫遊情餘或華嚴熱

風江行贈客

相過非有約相對一開顏溥暮雨來棹新春江上山爐紅村

酷熱潮落釣磯閒莫訝歸心急庭梅老雪間

餘喜翁都叅得子寄贈

皎日和風暢里閭羆熊吉夢協商瞿實需世運瑤池種光燦

雲霞老蚌珠清白燕貽籤軸在疑岐蛾術酒樽舒雙魚千里
歲常半試指之無字可殊登高上天斷春風滿巖谷春風

夜過蕪湖

題

千里鳩磯十載思乘風一夜暗中馳江神自厭迂疎客不爲
長年見事遲

長江

長江水漲喜春深千里孤帆向楚濤密雨隨波潮正上遠山
凝霧日將沉乾坤盛世無南北名利磨人自古今便欲乘風

溯銀漢卻憐白首負丹心古教每峯除豎待僧臥刻見雙鳳

笑許東林寺

以下計五首遊廬山作

笑指名山不憚迂東林落日暫停車晉池蓮翳空聞社唐碣
苔封不辨魚鄰寺輕烟籠古塔遠峯斜逕引仙居陵晨雙屐
穿雲去應使匡君識腐儒古今野史自古今野史於乘風
是耳自登高亭歷錦繡躡雲甘露披霞諸亭劉勰五土嶽山
迴梯側磴接長空不必漁郎路自適一塔當峯標曙色五亭
沿嶂貯春風蜀江帶繞烟雲底青嶠孫羅蒼翠中病肺尋常
思藥物竹林安得遇仙翁五嶽山志孫羅蒼翠中病肺尋常
天池寺

天池寺

幼讀廬山高老次廬山麓登高上天池春風滿巖谷春風亦
何私地勝收偏足鶯啼雲樹深花豔藤溪曲中庭涵玉泉時

有蛟龍宿蠡湖暨巴流吞吐共淵澳曳履漢陽峯四顧小疆
塊把酒對山靈悠然失榮辱顧有尚書期安能免征逐高臥
薄浮雲羨彼林間禿
我來趁春晴朝日掛林薄躡石上巍巔逞目喜清廓把酒弔
匡君素懷如有約白雲解人意飛揚滿巖壑冥漠散祥光微
茫顯丹蘄似有仙人來逍遙跨雙鶴飄捲倏忽間依然見城
郭世變一如斯漫視寧須慢遺世學長生千古無大藥樹高
劍可懸泉潔纓堪濯酣彼甕裏春振此山中鐸優游待何時
白首嗟濩落

白首佛手巖

覆雨巖端石拔空似指分但能提我耳名實未須論

游世又

窈窕緣松徑離奇敞石門山僧勤燕鼎野客漫開尊鶴唳風

回谷龍飛雨出村尋常見靈異咫尺近崑崙冥冥蟻報冰

舟來竹林寺

巖端空有題巖際原無寺變幻出清旻神奇佐明世雲雨

楚臺荒瑤池漢何事三讀御碑文悠然起遐思

寶樹

瓊幹珊瑚枝澁露鮮蟠雲栖鶴幾千年看來自是扶疎種縱落

人間在洞天

飛雲

深巖淺壑總仙寰
纔過林坳景更闌
獨喜白雲能愛客
隨風

旋繞到前山

茅庵

藥修臨清澗
蒲牀頓素書
杏花開滿徑
疑是董仙居

火廠

慧照憑虛發
禪燈徹夜燃
鍊魔人去久
客到晝無烟

含番嶺

岷流看未厭
又見蠡湖開
地迴山南北
天空鳥去來
滄溟涵

四瀆翼軫近三台飛動平生意慚無作賦才
楞伽院有懷南康潘使君

側履卜高坪披襟憩小亭綺霞松障色銀瀑石林聲日落村
烟細風輕梵語清郡城遙在望出谷見啼鶯

白鹿書院

廬峯五老推獨雄芙蓉金削雲霄中峯前古洞躡石鹿洞口
桃花徧谿谷谿流細衍峯頭泉萬頃湖波匯作淵流深谷窈
人如玉今古詩書滿華屋夜深說劍星斗寒峯頭氣象尋常
汗當時養鹿人何在大儒作用今誰再猗與吾道日中天廢
興何必說前賢山常巍巍湖蕩蕩洞裏春風千古壯

開先寺

聞說開先勝飛流落九天香爐浮紫氣雙劍削青蓮月闌昭
明座苔侵太白篇山陰回雪棹真到是何年

赤壁呈王學憲

蚪岸蛟波雉堞邊瓊梯紺宇貝宮連帆檣歷亂迎湘雨雲樹
蒼茫帶嶽烟今古英雄真一瞬江山風月自千年相逢樽酒
頭俱白磨洗無勞論昔賢

夏口維舟時二月三十日也

漢水岷流匯一隈兩涯花柳競晴暉春光三月今過三肯爲
萍踪惜酒杯

其二

高閣臨江曙色開
夕陽旋傍柳梢來
栖遲自是耽佳景
不爲人無王粲才

方子簡枉顧武昌有贈次韻答之

一諾能令岱嶽輕
拏舟千里意分明
霜華冉冉冠邊積
塵網飛飛甑底生
樓映丹霞黃鶴去
江連赤壁白雲平
相逢莫問窮通事
只合同吹子晉笙

其二

名實雌雄未可知
江亭促席惜睽離
山林泉石青雲夢
關海風塵白社思
末路功名同食肋
老年心事尚憑夷
延津雙劍

尋常合詎減豐城射斗輝

酬武岡王

河間好詞賦大雅卓不羣
閨巷春申舊池臺菟裘新枚生曾
擗管編簡縱橫陳一違劍履件幾度山川雲魚書九沉陸龍
劍雙埋塵此離出柳播咫尺岐燕秦黃鶴烟波日清湘釣父
津徒令憶崔顥孰與弔靈均不久理歸楫進退寧隨人爲我
傾斗酒長醉歌洛神

七夕次馬都閩鄉文韻

時在席上談張江陵事

新秋初霽月華寒便覺南樓暑氣殘
末路多愁憑酒送壯心
無寄覓書看致身自古權爲累處世於今拙正難
瓜果園林

兒女笑巧占得采望歸鞍

開舟遇風

願作雙龍挾帝舟天津上下十年浮此身原在風濤裏更犯

風濤詎識愁

馬都闔失水戲贈二首

列戟揚旌鼓噪行被頭仗劍戮鯢鯨直從江底騎蛟出始識

將軍蓋世英

其二

曾握貔貅十萬兵縱橫百戰海波平沉舟破釜非無意勝算

原從死地生

赤壁

江風山月羨黃州把酒嘉魚更艤舟總是曹瞞摧魄處危崖

幽壑斷雲浮

夜過岳陽

萬頃汪洋匯三秋蹇滯身平波風力正高閣月華新白髮無

知已丹心尚向人停樽張綺瑟清調出湘君

登君山

九江奔流瀦一渚萬頃汪涵迷四宇龍堆螺阜誰所都帝女

湘君此為主吐吞日月浴乾坤洗磨王伯無朝昏蒼梧赤壁

明霞映七澤三苗景氣紛一方委矣稱雄魄四海視之乃小

水秦皇空昔望三山漢使于今杭一葦風恬浪靜隱鯨鯢
荻老烟清息鼓鼙一杯還奠湘君廟常使江湖動酒旗

謁湘犯廟

整冠勤禮拜未敢薦江離古墓蒼苔合清宮碧瓦敲木橋秦
豬遠碑斷晉題迷剩有千年意憑虛望九疑

重登岳陽樓奉邀羅中丞楊憲副

兩度高樓廿載心斜陽疎雨古城陰故人別久顏如舊元老
知新話更深湖勢連天搖嶽色江流動地起潮音清時名勝
容衰病敢對湘靈續楚吟

邱若泰年丈過洞庭挾有才子佳人壯而贈之

調作十年枉自奇百年強健幾何時竹冠舊契輕珠履桃葉
新詞蘊玉卮赤壁簫歌惟二客五湖烟水只西施相逢莫怪
顛狂甚跨鶴誰真帝者師

邱使君舟中書所愛有作索和爲賦

縹緲琴聲綽約舟芙蓉秋水紫霞流洞庭不必傳書客夫主
新憐過莫愁

其二

妝罷湘簾日上鉤笑扶殘醉看沙鷗鴈來傳得迴文錦抱置
銀箏玉案頭

其三

曾從王母到瑤池銀漢秋槎路不迷仙客但能無馬癖年年
指點拾支機

中冷館爲楚王孫題

金山連建業誰貯漢陽春本以天潢派兼之地脈神海門潮
湧日江郭雨清塵適意非緣景烹茶且論文

陽邏道中

飯罷出叢林蕭條水一潯乍晴泥滑薄暮暝尤深衰草連
天闊荒雲接地陰馳驅忘老病誰識百年心

早發楊家店

密雨斜風雪勢成黃昏古廟客心驚曉來雲散天如洗振策

長驅馬足輕

孝感道中初度

孤矢當年意蓬飈此日身迷津平野雪捧日遠山雲病後身

惟骨忙中事少文高堂作狗狀回首一消魂

同車夜赴金口驛

落日荒郊遠淒風古驛偏路迷驅馬引火盡折籬然犬吠茅

檐底鴻驚葦渚邊自憐何僕僕老未了塵緣

病後

病後逢新歲依然興味殊阮公幾兩屐楊子一牀書年老才

緣退時乖事與俱自憐無寸補猶食武昌魚

早春陪諸寮長上關廟

落盡梅花柳未黃
深林古廟野雲荒
山光掩映籠名利
湖勢

微茫壓大江
賞遇良辰翻惜歲
送因歸客倍思鄉
臨風莫訝

春無賴高樹鳴鴉帶夕陽

姚方伯以陝右大叅

恩封

何事元之第
簾開淑氣融
四朝勳望茂
三世寵光隆
曾說

南巡急爰當
大禮崇震雷
方烟電曠霧
易從風於赫
尊公傑

稜層雅志雄
干官同料虎
一死敢輕鴻
神聖終憐直
匡施

肯憚工夔藏
隨運會鳳起
振芳踪赤縣
棠陰藹蘭臺
劍氣衝

臬藩敷歷久
中外詠歌同
帝懋關西政
僉歸貴竹翁
遠謀

龍章錫典重紫雲浮漢

仙遡芭隱德總齊嵩虹渚流祥遠
龍章錫典重紫雲浮漢
殿清露湛周宮盛美衣冠侈徵符里巷通承家何憚孝遇
主自緣忠庭壺塵寰外幽明禮樂中潛輝天定發懿範燕貽
洪四嶽風猷遠三槐日影纒金甌函姓字麟閣畫儀容事業
從容了二恩榮次第豐如椽無采筆敢許狀膚功

九曲亭

亭在武昌縣西山寺前宋蘇子瞻所建

巒開寺出小亭躋團練風流百世遺怪石劍痕蒼蘚合長松
虬影夕陽移羊腸末路行忘曲蝸角虛名戀益微齊物莫疑
莊叟幻古今雄達共襟期

東風春興四首

寫

一

卷七

三

東風拂柳條
熙日籠簾棧
空館寂無營
薄暮坐由旦
春色滿乾坤
到處花枝爛
留滯負初心
悄然興遠歎

誰云桃與李
無言不成蹊
君看澗底松
難與山苗齊
管鮑事

已遠鏗喬術
何稽悠悠百
歲中雅志終
然迷

故園澆水東
山亭茂松竹
固少會必人
悠然泯榮辱
花開滿

釣磯酒熟沿
樵谷罷釣即
沽酒剩有瓶
中粟安發禮
誰燕頤

窮達各有分
斂戢非時乖
君看公孫貴
孰與董賈才
所重賢

與達一顧
九核世為
自結東徒
令兒女情

與達一顧輕九垓胡爲自結束徒令兒女猜

赤壁

旁午艫檣一火空寂寥
酒兩霄雄霸圖消歇江山在詞賦
流傳人物改風塵老我幾
翻來圖皇賦勝俱無才江柳垂垂
雲靄靄白鶴橫空日生海

萬一樓集卷十四

終

虹流披聖祚彌昌會燕翼芳猷懋著時
八制並宣三世寵

百年深荷恩九重知祥開
魏闕雲霞爛慶集秦關雨露滋

欲側席近聞求外輔佇看
殊錫出彤墀

贈賈宏庵憲副巡湖南

東風拂柳雨初晴搖曳雙旌過洞庭把酒問春栖古驛程書

刻漏對長檠山登衡嶽千峯伏水入湘江萬派清若弔宗元

煩為報愚溪今在武昌城

發九峯寺

輕雲織日擁樓臺古樹崇岡四面開未得山中奇絕處九峯

尚似不曾來

歸興

男兒少壯不文老不武手怯縛雞氣搏虎縛雞搏虎總荒唐
白首他鄉竟何補古人去官仍去國今人去官返鄉陌鄉陌
茲時正嫁秧日暖風和趁收麥麥可炊亦可釀釀熟炊香競
相餉醉後賢愚總不知風月誰爭欲誰讓

端陽客通山次詹學博韻

丹霞小市起炊烟僻地渾宜客性偏蒲劍新裁猶欲試騷歌
舊續不堪傳葉杭古渡江湖遠壁立仙厓霄漢連作賦况攜
名士在夜深庭樹幾星懸

高祖泛崇陽洪

高崖關隘危欲垂驚濤歎礮聲如雷當關策馬臨古步放舟
直下如有追初疑呂梁飛流掛千尺轉覺三峽一瞬百里背
看青山色榜人爲言昨日時灘高石露中流窄因憶衝泥夜
入城淋漓旌旆興人憎寧知此際汪洋澤具自淹纏空館芭
蕉枕上聲中生乘除萬事皆如此滯未足嫌利何喜且罄三
杯信自然豈無壯志今已矣

小畫爲楚王孫題
攢馥團綃朶朶嬌靈根分自上林遙赤標低映春常在肯向
東籬獨羨陶文志不為平卦棘離麻林亂棘離麻林亂棘離

洞庭

巨浸寰區幾西南見此湖波寬天鎖定勢震霧掀疏吞吐滄
溟接升沉日月孤登樓時極目鳴劍一長呼

送張憲副入

賀

黃鵠磯頭使者車青鸞紫氣擁前驅
龍顏遙望雲端彩金鑑新潢袖裏書
湯沐聯牀春草甸旨甘雜俎漢江魚
逢人莫道迂疎客琴劍凝塵念故廬

九日集武昌南樓次韻

客歲登高記郭東南樓此日雅懷同
鐘沉古寺浮雲外鴈落秋江暮雨中
白髮滿巾孤憤在青尊入手萬愁空
明年仍有茱萸會黃葉紛飛幾處風

贈濟寧某隱士

代楚藩伯作隱士故弟子員乃祖官中丞

老鶴雲邊海屋籌
逍遙春色草堂收
中丞簪笏霜痕宿
隱士琴書雪韻幽
太白樓前新釀酒
洞庭湖畔故維舟
一尊千里難為壽
誰遣離羣賦遠遊

次韻答詹東園邑博四首

蕉夢千年調蓬飄
萬里踪致身語已老
結客孰堪宗富貴
原非薄功名祇係逢
拙猶能牧豕榮不羨
登龍

其二

擾擾風塵裏
賢愚總未分居
官病有味學道
晚無聞冠蓋華
堂侶桑麻表
矚羣誰堪論肺
腑欲燬絕交文

數自其三

麟史成經日鷺湖論道年江河同到海日月自中天造物經
綸溥傳心典籍全末流多橫議千古寸衷懸

其四

鵬徙無風便徒然六翮張紉蘭憐屈子高枕薄犧皇老計耽
書癖生涯縱酒強他年勞遠訊竹牖倚茅墻東翰始為莫

大江行夜集

鼓棹褰裾遡大江鳴琴說劍引清商寒汀鴈落三更月古戍
烏啼四野霜青眼共憐同此夕白頭渾忘在他鄉飄飄千里
堪遺世始識奔趨未是忙

又九日集邢叅伯舟中偕吳都閩

爲愛登臨儲菊醕誰意滿城風且雨人懷嘉興天亦憐因命
羲和增節序無端千里逐行舟復令好景空三秋聯帆猶喜
逢大雅一尊同洗千年愁愁去依然豪思發討古論今富篇
札詎須著屐上高峯始足稱奇見英達寄語東籬傲歲姿莫
嫌寂寞負良時西風落鴈偏多致刻徵流商剩有詞

江行疊前韻

明霞赤日照清江帆正簾開映碧觴葉落秋林遙霧霧鐘沉
曉日暗凝霜琴書寂寞天邊客蘆葦蕭疎海上鄉倏去倏來
還自笑白頭猶是健奔忙

天門登大別山
大別山頭草色枯英雄千古總蕪蕪會同江漢功思禹鼎立
劉曹世紀吳七澤雲霞迷上苑重城樓閣隱仙都業垂不朽
真誰是擬向高陽伴酒徒

偶到

新築茅堂小深屬竹榻清萱籬花半落榆徑蘚初生秋葦沿
村密昏霞隔浦明民風不須問弦誦待人興

夜行

客去尊空玉塵收片帆斜日放中流數家茅屋依疎柳幾陣
寒鴉聚遠洲吟苦坐長香篆細夢回更靜櫓聲柔來朝勝會

猶然在不比山陰雪夜舟

把酒把酒正望郊外日

把酒捲疎簾江城嘆久淹

秋佩烟霞結暮簷獨憐官舍寂無異在雲巖

至日呈同司及藩閫諸老文

簪笏趨踰漏未殘營營日昃尚停餐鄉心傍節忙偏切世路

逢崎嶇自閉山閣雲連寒釀雪屨園葵拔暗生蘭杜權欲示

遺緘默萬里論心對面難

大風陡寒

天風昨猶和崇朝忽增冽荒雲滿長空飄風褫飛雪捲牘攬

重裘圍爐酒方熱把酒憶鄉園形影高堂子衾冷誰爲溫服
重行無蹶一孫不解事千里音書絕况復江漢間茅屋多鷄
結無能起凍號默念肌如裂四時必有冬肯以人情輟安得
縮地法化柄仍潛挈閉門煨榾柮骨肉相怡悅春信綻梅花
黃襖窮簷列優游大塊中陽和會成穴

大雪

雲氣荒荒七澤濛六花飛舞望中雄
遍侵要路高迷轍斜度
鄰牆遠趁風酒榼筆床梅閣靜杖藜芒屨竹林空禦寒漫訝
裘猶薄佇看城頭曉日紅

贈詹東園邑博會試

密邇常驚別去輕况攜琴劍遠之京荒郊漫雪殘年騎倦僕
寒衾野店燈發縱相臣知國士好文令主憶長卿春風雙闕
祥雲爛老吏江湖氣亦增

送馬叅戎分守金山

雪霽江清瑞日舒登樓把酒持前驅轅門列戟連鄉井畫錦
揚旌傍歲除鯨海波平三島見燕關臺峻萬金儲分違蓬跡
俱無定安得時傳尺素書

迎春日自夏口放舟至漢口還

江上曉風清城頭織日吐霧散高岡見鳳皇水落芳洲出鸚
鵡鼎業舊何雄賦客今何所只應服藥作神仙白雲黃鶴空

千... 一... 潮... 泛... 中... 流... 兩... 涯... 競... 簫... 鼓... 春... 光... 早... 已... 到... 梅... 花... 把... 酒... 呼... 春...

鷓鴣業舊何雄賦客今何所只應服藥作神仙白雲黃鶴空

千古一舸泛中流兩涯競簫鼓春光早已到梅花把酒呼春
式歌舞

乙酉除夕

臘

山館燒燈坐更長思轉迂遠親徒有祿漸老怕逢除浥露依
簷竹浮香貯酒盃來朝春色好何似故山廬

次武岡王新春韻二首

春風恣歡賞每記少年曾老去親知斷窮途節序憎亭前梅
傍竹池曲雪銜冰吏散扃門坐蕭然似野僧

其二

樂事嗟金谷文才數建安壯心閒處醒愁緒酒邊寬山寺巖

花動城樓江霧殘淮南徒好客未許並興看

邢少叅遺紋牋數種走筆賦謝

美人贈我雲錦牋揭開光彩盈几筵知從東海逢神仙翦來

玉佩霞裳鮮湘波素練拖冰弦深宮紅葉隨流泉樓修五鳳

霄漢連營開八陣長城堅圖河賦洛惟所便長安價重方千

錢捧持百拜喜欲顛所慚采筆非如椽承蠅削棘技未專安

得更肯輕真詮消我鄙吝生精研曉窗檢點風雨喧一掃百

幅虹光宣分遺海內人爭傳吁嗟眼底誰豪賢咄咄子雲徒

草元

傑構

傑構孤亭大別巔春風送客俯晴川枯梅古寺江城外細柳

傑構孤亭大別巔春風送客俯晴川
枯梅古寺江城外細柳長堤隘閣邊
勝槩廢興關景運人生離合屬前緣
莫嫌燈火重呼酒禹跡於今亦惘然

主贈邢叅知督漕過徐教韻高烟慳帶尊

柳籠烟日百花明兩岸鶯歌夾棹聲
繡箔雅宜琴瑟靜彩毫
崗對酒尊清萬年國計東南力
四海官聯管鮑情莫向黃樓憶
黃鶴江河一樣抱高城

萬乘得報以二絲夾以揮朝出市
半金賞回舍千古人立

宿雨淹淹閉閣眠俄驚日色入簾鮮
是非千古憑誰定心事孤危敢自言
賴有人廟堂憐壯節更將藥石續衰年
祇應泌

浦磯頭月常笑無入理釣船
集詩更採藥不餘定爭派
漁

雨感興
關
細
婦
人
蘇
物
長
共
于
古
懸
請
我
心
事

萬乘聲必反二桃死以恥
勝
出
市
少
年
金
償
同
舍
子
古
人
立

名節強忍各有以母緣
西
山
薇
輕
彼
柳
下
士

由武昌抵黃州漫興
東
門
外
古
碑
曾
讀
蘇
尚
黃

落日大江濱塵飛車馬紛
庚
樓
樓
缺
月
蘇
壁
擁
殘
雲
僻
性
喜

生拙汗名四海聞應慚
沮
溺
伴
高
臥
對
清
尊

漢川漫興
合
衣
團
扇
汗
背
吹
風
送
子
出
關

醒獨人嫌醉思長自覺
癡
行
藏
閭
里
笑
得
失
吏
胥
知
野
色
沿

城起江流帶霧馳春風隨
處
足
歸
計
詎
云
遲

城起江流帶霧馳春風隨處足歸計詎云遲

豐韻三首

白首惟宜白晝眠戴星漸迤露華鮮名污尚喜留三寸策短
猶思上萬言李廣雅無長孺戇平津不謝洛陽年到頭得喪
良多岐莫訝身如浪裏船

其二

乞休何事夜忘眠為憶宸留墨尚鮮不分小才能大用肯
輕君命重人言神仙平地惟高枕卿相長安總少年莫笑
迂疎徒浪跡圖書琴劍滿歸船

其三

自愛無過食與眠青紬被暖紫芝鮮鴈鴒避地殊知候桃李

成蹊詎待言小築茅堂依古刹多栽社樹詔當年五湖此去
須臾姓端愧逃功范蠡

次署邑事觀海吳參軍韻

解組巖居道未窮歸時風景去時同離披楚岸千條柳瀟灑
吳江一葉楓樵徑花開新雨發漁磯舟鎖夕陽中著書不是
虞卿事杯酒狂歌樂歲豐

其二

高才能不鄙孤窮樽酒相看意味同空館數過驚白雪茂林
遙望見丹楓劍鳴瀚海烟巒外琴理長山水月中青眼共開
俱恨晚典衣安得更新豐

新安方同野來訪有作別去次贈方同窗友也曾訪余

俱恨晚典衣安得更新豐

父老新安方同野來訪有作別去次贈方同窗友也嘗訪余

於鄂中此去將尋故人於越城云

累牘單詞總大章館慳曉粟愧三湘遠遊尚帶憂貧意相悞
同懷卻老方事過終嫌蛇有足愁來翻羨蟹無腸陳雷世路
今誰是歸耦山中荷蓀郎

常於其二人

老大無情愴別離忽因君去暗生悲衾裘蟻虱長須病心事
江湖短劍知峽口繁霜叢棘路海門寒雨上潮時還家子婦
應相笑到處樓高日出遲

海屋宮詞次舜傳家兄韻

萬一樓集

卷五


十一

瑤臺金屋凝芳塵歌舞生輝燕幸頻
 庭院年久花自落玉顏應是不如人
 對商日出
 由來天上隔凡塵榮寵無方妬亦頻
 一顧便堪償玉貌何須常作尚衣人

別宮乞得絕纖塵女伴相邀拜月頻
 但願聖明千萬歲此身不愧月中人
 大章翰墨采封三

喜邑博諸公過訪

父老傳呼穉子驚聯翩車騎到茅衡
 野人自慶逢時雨太史



應占聚德星湖蟹正肥新釀熟籬花初放晚山明不因衰病
嫌粗糲每過郵亭一住旌吳土書牒而今賦管陶翁興不醉

贈友人錢新貽

服

急難君誰告迂疎我自知青門行徑短白髮故交稀
剪韭雲迷圃呼醪月滿溪傍巖將築室杖履可常移
非共煇西野日土堪初度何改更開林與舊無事餘
新意何如更對日親在敢言老逢辰惟一寬入誰迷
原壤谷已入王官雪霽梅爭發烟清竹自欒衰殘天未厭
更欲激迴湍

請帶雪中次舜傳韻安玉烟當臨變

吟罷復呼酒中腸忽如結積雪滿庭除詩脾賴清徹胡爲不

萬一樓集 卷三 二
自得局促如夔蟄丈夫負奇氣豈云矜一節四海多凍號誰
能掃寒孽徒對潔白姿狂歌當調燮

筆發舜傳以詩索厯戲答

更裕燦燦

寶劍贈烈士紅粉貽佳人新書堆滿几燭不輕授君君無寸
土堪種粟何必更問秋與春君無一事稍稱意何必更擇日
與辰悲歌爛白石行跡逐浮雲何不日來與我共飲酒混混
沌沌忘乾坤

試筆次舜傳韻

密緝如蠶尚畏疎批評無異上書初而今短管隨情興不怕
人嫌細與粗

得菊

重陽過已久寥寂無足誇芳鄰何好事贈我東籬花風霜侵
竹徑標彩陵松崖固稀桃李伴幸免蜂蝶譁選地急培注愛
護欲籠紗相看得無愧白髮從鬢髻

灌菊

早起寂無事呼童汲清泉臨軒問秋色綽約逞輕鮮傲霜固
其性澁潤尤爲便土膏脈自動人力寧可蠲相期堅晚節枯
榮能無牽揮灑薄朝露明日還復然

賞菊

嘉客期不來對菊徒脈脈客來因命酒菊亦生顏色倚醉發

清商相看成莫逆
節序疾如飛
花姿詎金石
請看今日容
終然異疇
昔客笑花無言
夕陽還促席

樂府詠菊

愛菊置坐隅
默對兩成俗
閣筆費評章
內愧掩空牘
顧此絕世姿
不與凡卉逐
剝馥壓幽蘭
清標映脩竹
一節擅秋風
萬年賦難足
安得思如陶
聯編詫奇郁

喜吳廣文在顧

絳帳遙分日月標
卻迂車蓋問漁樵
雄文雅調縱橫甚
高趾溫儀動定饒
松阜雲邊撐老幹
藥欄霜後長新苗
心期真契逢非晚
乘興還能慰寂寥

睡起

避謗書空臥憂時拊髀嘆乾坤惟我老今古幾人閒李廣奇
何數廉頗飯未慳卻勞連夜夢飛騎入燕關

懷錢鶴山年兄四首

翠微精舍儼仙居柏樹新栽一萬株莫道官清難卒歲眼前

生計比陶朱

其二

春雨宜耕布穀催桃花閒放竹林隈兒童拍手迎門笑翁白

城中買豨歸

其三

疎棘叢芳護祖廬半儲錢穀半儲書兒孫競取無虛日錢有
乘除書自如

春雨其四亦嫌新林新雨
一翁傲世無青眼五子承家有白眉流江小橋松竹繞沉酣
許我幾旬回

蘭亭
迂道攘裳幾度來野翁漫遇盡顏開青山千載知憐客白雪
須時故滿願古寺叢林停落日曲池殘碣登蒼苔當年脩禊
皆英傑仗劍誰稱濟世才

除夕

林壑蕭疎孟浪遊歲歲情緒轉稠縹事窮久負西門辱室陋

林壑蕭疎孟浪遊
歲暮情緒轉綢繆
事窮久負西門辱
室陋還疑向戌尤
不敢笑啼瞻兩綬
適在令與亞命交代良
有新入對舊人之感
更添喜懼老孤裘
春風夜脫穿庭戶
定識來朝淑氣浮

萬一樓集卷十五

卷

萬

一樓

集

十五

萬一樓集卷十五

東除苦自如

其四

一翁傲世無青眼

評我幾句回

南亭

迂道探英茂

喜對卷邸寒

豈疑向飲大

本查續板



希晉魏高義欲媿連與單不遺潦倒稱父執顧我蕭寺攜盤
餐登樓記爾方總角我亦鬢黑今成頽芳年在人能幾許壯
懷逢子增悲嘆丈夫立身各有道磊落豈在窮通間要知宣
父曾皇皇赤手高駕無輪班九原若許起僊吏應言此志猶
未闌今年秋色無邊好席珍四海無夷蠻橫空鵬鷲九萬里
陶朱山色應難攀

元夕喜霽

開門白雪漫空舞硯凍爐寒不知午須臾日出月更明火樹
星橋擁簫鼓天時人事本無常富貴何短貧賤長丈夫萬年
圖不朽眼前瑣屑夫何有日呼斗酒上高堂老親喜悅兒女

狂陰晴來日未可量肯令長夜徒然央

詞賦逢人

一賦則少平同

逢人詢故舊多半入幽冥大海流萍闊千山宿草青賈生徒賦鵬說相總爲星有酒須頻把蓬瀛幾許登

采艾自嘲

春亦解我

謝事原無祿門偏客過稀句成惟自賞金盡怕人知草綠迷斜徑花疎見舊枝獨憐飛動意不似少年時

送先行肄業紫山院

空自歎

山館吾棲久風猷今更新城隈蕭寺月江畔草峯春棧樸周京日鯤鵬瀚海雲承家須報國秋色上崑崙

萬

一

卷

二

春日舜傳移居三首
來乘驛國煇
止嵐嶽
老年增闊略徙宅尚依人
烟雨溪橋滑荆藁里巷
墜鵲巢臨側徑竹影入清尊
應笑侯門鎖花飛空自頻

其二

每移居漸遠今卻與鄰比
畏盜因歸市防疴故傍醫
徑幽蘭葉茂春老杏花稀
好古鄉多士攜觴復問奇

舜傳遷居後不數日又遷

徙宅應先卜何無十日淹
楚筵原有醴墨突自難黔
寒士干間庇春風一榻厭
少年同此志俱老未能兼

喜趙元潔除興化簿過訪

不謂衝泥至我然冠冕新雖情今益見高志舊無倫
花徑春

不謂衝泥至，我然冠冕新。雅情今益見，高志舊無倫。花徑春多雨，松林晚帶雲。喜逢還惜別，彩舫繫通津。

春日府召家君鄉飲不赴致席戲題

負暄老父眼糊模，破格賓筵色色都。兒女紛拏爭且笑，孰云好事不如無。

雜斷舜傳自五洩，回有作次韻。

猿鶴偏於山島便，名林幾屢伴僧眠。物情自愧非當日，山色人傳總昔年。峭壁懸流飛霧遠，高岡古木得春先。新詩撩我清襟動，策蹇提醇猛辦錢。

題山題江南春意卷

卷畫一梅顏傳弟以訪其友沈少伯云

孤山晴雪夜破臘幾株芳色映籬邊竹香浮野渡航舞風時
入笛乘月忽當窻千里人如玉圖將涉大江

賦得柳送客附有別

柳條殊有色嫩綠在三春驪登河橋月鶯聲驛路雲維舟頻
勸酒倚劍各沾巾欲折逢搖落邨堪寄遠人

賦得雲寄贈

山中雲五色舒捲詎無心護勝隨人遠依禪入谷深從龍應
待日隱豹未成霖籠去如堪贈臨風思不禁

賦得雪贈人訪友

剡艇非緣雪清幽興轉嘉酒家行跡斷漁網炊烟遮山靜遙

添色波澄凍愈華相逢戴安道不說路途賒

山人友人贈菊數種牡丹一本

傲霜籠日帶烟霞荏苒從處士家莫道秋殘花已老東風

依舊發春芽

右菊

於然其百頭

靈根豔質洛陽來池館荒涼手自我老眼若嫌看似霧不妨

畱待孫孫開

右牡丹

蘇重仲冬朔日對菊

晚節原憐汝孤芳更出羣冰霜當至日花萼儼先春瀟灑宜

山館幽閑稱酒尊世無陶令節標格與誰論

再贈顏傳詒及中州副令

僵臥猶嫌哄那堪千里行巨卿原有約鮑叔得無猜

移重烟雲鴈掠輕梁園多賦客應識舊枚生

留詩題樓道人卷

雲水飄流各幾秋我懷竹帛爾何求歸來莫道俱無得爾髮

依然我白頭

詩書其二卷

卷千金百物輕鈎元摘要總名卿問君曾遇邯鄲客高枕

仙人夢未醒

東門行贈季有慶之京師

仗劍出東門自笑還自泣堂上有老親廚中無剩粒長夜且

東門行贈季有慶之京師
仗劍出東門自笑還自泣堂上有老親廚中無剩粒長夜且
何遲少年去偏急顧此昂藏七尺軀安能碌碌終迂儒行將
赤手取卿相不然亦澤干金車歸來報恩兼報怨要令鄉里
知區區

仲冬望日對菊

兩月重陽過亭亭色尚鮮人嫌時已邁我賞節尤堅竹護階
前地梅分雪後天更能勤愛護寧復識殘年

兀坐

兀坐思無聊書空暗自嘲親衰勞轉競子疾養成驕用世奇
如廣歸田致異陶腐甘同草木所愧負 清朝

百年四海無知己萬卷孤檠有主人
世泰孰嫌頗善飯性迂
偏愛隴多雲霜清竹徑禪林曉
雨潤梅梢酒閣春勲業縱能
踰管葛試詢周孔許誰真

星月吟

星月明冰雪冷大家不須睡
守望各持挺前日東鄰盜如虎
昨夜西隣失黃牯大村錯愕小村愁
狐狸叫跳蛇虺稠年荒
鬻妻仍食子弄兵少緩須
吏死漢家詰盜爲安民法興沉命
增繁頻狗偷鼠竊非信語
雜嗅蟻休翻嘯聚寧使閭閻日受
殃肯令司府織遭傷
星月明冰雪冷大家且睡不須驚
縱令

有力肆諸原纔免輸錢更招肯

己丑元旦

屈強腰尤直蕭疎髻已蟠世皆多鄧禹誰復問廉頗松暖春
風麗梅舒曉日和百年能幾日對酒不成歌

赤巖爲謝明府遙賦

小艇方從赤壁歸錦書遠自赤巖至舟輕載有赤壁圖書重
緘拜赤巖誌試將圖誌對磨看兩地風流頗相似磯頭一舸
大江秋清風明月昔人收赤巖終古無人識選勝標奇明府
力明府原非百里才庭空牘捲攜琴來父老歡從子弟喜誅
茅鑿石須臾開巖前好景不勝數巖下遊人競相伍日斜賓

哄鶴橫空不必驚猜更推戶瞰幽壑登蚪龍曹瞞困周郎雄
遽然俱付清樽中乾坤一瞬薄羽化何須瑣瑣期王公今人
古人雅無別千里一天此風月安得拏舟過武夷倚雲長嘯
同披襖

遲客

平生愛佳客性復畏趨迎掃室爲門坐時聽車馬聲

方塘爲樓隱君賦

錦砌函晶漱寬平四面齊涯長俱應矩隅折不緣磯樹繞羅
幃合星臨玉局低雅懷會嘉景百歲足幽棲

元夕

燈火山村簫鼓競白頭強作少年行風生酒陌香塵遠月映

燈火山村簫鼓競白頭強作少年行風生酒陌香塵遠月映
歌臺繡幕明世際太平無棄物事當垂老總浮萍莫從
國傳消息計冊還存舊吏名

娛老

娛老惟詩律消閒更酒杯詩名人未識酒債日相催迂拙今
無比風流古效誰彭鏗如可作便欲永追隨
萬卷儲芸閣油然日與偕折衷先舊論誌怪亦齊諧得客疑
同校憂時諛自排尚多未觸手歲月許賒來

春曉喜

寫一

樓

卷

七

高
一
樓
集
卷
之
二
七
夜聞雨方喜曉起晴更嘉氣應滋花候塵清買酒家小園芳
徑潤幽澗老松華對景思于緒懷人天一涯

雪鶴

千山飛鳥總潛踪獨爾昂藏高嶼中
閒傍梅花分凍色突盤松杪掠寒空
聲聞剡曲舟添興影落藍關馬未通
縱使津亭星日麗不隨琴僕度春風

漫興

徒負凌雲萬里翰歸來依舊一身寒
文章老婦簪花朵仕宦鮎魚上竹竿
不愧天人心自定無關寵辱夢尤安
癡猷所慮惟多病每得方書仔細看

禽犢

禽犢心彌切難爭造化衡愁來謀愈拙
菑退藥方靈粉蝶隣墻舞桃蹊要地成
老年無一得所賴世情輕險難登負
忘清明將掃墓忽動階梯菴之興中途阻雨因入西嶽寺

彈冠因拜墓忽作看山行好雨濡遊屐
荒村阻去程午餐尋別寺春酒出茅衡
世路俱如此前期詎足憑

雜興十首

纔見梅花發蹉蛇又暮春乾坤一塵局
今古幾閒人道在窮何病機忘懶是真
惜陰無限意慷慨付清尊

奇數功名薄身閒心事寬獨行山徑寂羣語野人歡雨過溪
流暢烟清竹色樂煩愁塵埃外欲入總無端

曳履尋花陌移牀傍竹檐久無當道問新喜後生嫌山閣雲
遮棧溪橋柳映簾不緣人事斷安得日詹詹

其四
陸賈裝金盡春衣日有情晚風牛背笛夜雨釣磯燈覓句忘
迎客修琴偶大城營營亦終日所少利名爭

其五

五尺應門慣餘閒競落暉醫坊賒藥去僧寺借經回閉閣尋

五尺應門慣餘閑競落暉醫坊賒藥去僧寺借經回閉閣尋
常事留賓發舊醅仙遊如有術更欲與追隨

其六

經濟非吾事痾瘵若在躬征輸聞直北優詔想山東雍絳秦
舟役萑苻鄭澤風嘉謀多肉食俄頃奏膚功

其七

歲熟民瘼起村幽俗事稀牛羊羣虎臥燕雀傍人栖水長魚
知候林深蕨趁肥寄聲催稅吏且莫擾豚雞

其八

小築當溪曲流泉六月寒鳥聲孤墅遠樹色四鄰寬俗謹雖

防盜時清不識官翻思鐘鼎客名節幾能完

其九

市密無生客經過競指名

廟堂誰定論月旦此真評索對

棋低易提醇量窄輕狗屠不我棄混蹟又何驚

其十

萬事有乘除何妨久索居清溪五柳宅白首一牀書對景吟

梁甫因人弔望諸華陰方自重當醉莫騎驢

自笑

古人多沒沒飲者畱其名嗟我不能飲而亦博虛聲

正天子不爲愕宰相不爲驚徒令嘵嘵者睚眦乘風霆

夏日自嘲

日永窗虛小簟涼
申腰一覺到羲皇
酒徒作伴忘賓主
書腐謀生雜聖狂
禮法豈爲吾輩設
利名偏使世人忙
長遊擬荷劉伶鍤
死葬要離古墓旁

其二

心定身閒暑益涼
翻嫌尼甫亦皇皇
多情白髮忘人鄙
到處青山愛客狂
樹繞藤蘿遮屋徧
花催蜂蝶隔牆忙
暗中猛擲無奇寶
橫棄何疑在道旁

其三

世情何處不炎涼
千仞翱翔說鳳皇
一息清閒當是福
百般

高一卷
雄略總成狂會心人少尋書證應事才疎覓句忙卻笑莊生
蝴蝶夢經年不到玉京旁

其四

清虛亭榭自生涼不以塵襟對赤皇
閑守園林猶磊落老懷
竹帛轉迂狂晚來閒月停杯久
曉起看山拉客忙何似五陵
豪邁士笑歌終日劍鋒旁

鄭隱君書齋

短徑栽花不數株
簾櫳日色映圖書
坐來意氣吞金谷
卻怪靈均更卜居
以羊肚石贈鄭隱君

奉石離奇出海濱
小齋十載對如賓
君家錦砌多標格
移置

拳石離奇出海濱
小齋十載對如賓
君家錦砌多標格
移置行看勢入雲

王明府禱雨有應

一雨濡焚萬姓蘇
琴清庭鶴亦歡呼
不緣政首羣英出
安得仁先八邑敷
槩浦水迎胥漲遠
蠡巖春映禹城孤
村莊客到頻傾酒
共計秋成早上租

悼王上舍

宿草凝塵碧瓦苔
音容每想在書齋
一言卽漫千金重
半月憑疏十度來
斜日啼鳥悲拱木
西風落葉滿荒臺
郊原纍纍牛羊牧
誰復從中辨美才

悼壽別駕

望族名賢幾亢宗
破荒天路自君雄
扶搖未盡垂雲力
華表徒瞻落月容
烟雨江潮秋鴈隻
榛荆山徑曉霜重
鬣封紐石三年空
薤露雖晞淚自濃

漫興

名利津涯幾百尋
守眞只合在雲林
人嫌用世渾無補
我愧入山猶未深
秋菊滿籬承湛露
晚蛩四壁混寒砧
傳絲抗疏俱成漫
惟有登臨慰夙心

催菊

含金包玉競秋風
纍纍如珠浥露濃
明日重陽有佳客
可能

連夜發芳容
小聚風前幾
憑會太平樂
事尚幽書
愛月憂園

山父遲菊四首
詩太深
字非本願
計林蕭
雲日
故
賦
刺
刺

菊節誇重九
節過花未開
傲霜真性在
詎欲待霜來

其二
夫何主事
公常
濟
誠
效
宜
風
粗
棘
株

榦瘦長過額
標齊動嫋風
何緣開不易
云是狀元紅

其三
面似
亦
新
中
市
官
齋
非
對
令
吳
州
人

固數陶籬最先從
楚畹芳落英
真可茹
何必在重陽

其四
歡
與
童
開
列
其
諸

葉底含霜蕊
遊蜂尚未知
塵清人意淡
此是賞秋時
對俗向

次鄭隱君韻
不因
然
轉
與
平
華
與
小
林
變
精
容
門
規

知已難逢邈亦嘉不因拊髀嘆年華
座虛小榻邀詩客門映寒流帶酒家
山色入簾爐篆細鴈聲驚夢月痕斜
秋懷欲向樽前賦數遣兒童問徑花

四樓有感二首

危忘心似面別有淚沾巾石也猶生我
棖兮畏厭人

其二

防川勢必決憎主事之常鄭相存鄉校
宣尼昧練牀

觀社

田父山童總若狂衣冠老我亦顛忙
村籠雲日旌旗爛隊擁龍蛇燦戟光
小聚風流過郡會太平樂事荷陶唐
愛民憂國

多當道猶疏災荒上廟廊

對菊簡鄭隱君

幾盆俱纍纍先放一株紅
嬌豔霞飄遠清芳露浥濃
閉門防手觸掃地卻塵蒙
專待高人賞過從訂日中

小菊移自鄰園二首

花垂枝更短起白草茅中
分置塔前地隨看勁晚風

其二

種種過人額含羞未吐芳
尺餘花已爛此是短中長
以詩期鄭隱君看菊君至
而余適他出疊韻遺之

湖蟹烹霜紫村醪貯玉紅
花神需客旺人意得詩濃
晉世琴

歸阮吳儂目刮蒙有期成錯誤孱寂雨烟中

鄭茂長攜榼過舍看菊兼示乃翁手卷為題其後

世俗眉多白尋常思入雲腰鎌憐老友手澤重先君蟹壯村
醪熟霜清徑蕊新一年佳候幾相過肯嫌頻

石新婦二首

有序

石近寒舍在紫薇山厓楊鐵崖近體一首人疑非其

真筆又石婦操一首自註曰即望夫石在處有之而

語尚帶唐人口脞人謂此操亦以詠此石耳又謂此

石亦邑中一奇鐵崖公又邑中聞人不當無一詞繼

其響也因儼二首

石新婦夫何在兀立巖厓開千載闕千載名猶新夫不回步

石新婦夫何在兀立巖扉閱千載閱千載名猶新夫不回步
不改補天曾謝女媧時肯爲秦皇輕到海遠人歸喝聲采
右
儼楊鐵崖石婦操

其二

石作形骸鐵作心溪邊凝望歲時深烟波洛浦輕塵斷雲雨
巫山幻夢沉草色萋迷聯絕壑鶯聲嘹唳度芳林行人縱返
終無語碧海青天太古琴
右儼楊鐵崖石新婦律

萬一樓集卷十六 終

萬一軒集卷十六

...

蔡無驚警辨青天太

山山似夢草舟蓬

百中沃婿燈心

其二

...

不好醉天曾臨文

不餘叔夫可亦



萬一樓集卷十七

諸暨駱問禮子本 著

雜詩

族叔以貢士上京謁選

壯歲雄圖老未申更攜琴劍問京津舟開江渚驚栖鴈馬度

關山帶斷雲河柳凋傷春意盡驛程寥廓暮烟新彈冠莫羨

人年少秋水芙蓉遠陌塵

族叔省祭限滿謁選

叔氏舊願富近日少減故首句云

端居亦自蕪田園結束何當涉世緣有子已堪承舊業無官

終恐負名賢路逢偏側疲驢穩時值嚴寒短褐便春色漸看

天外動只應快著祖生鞭
 讀書讀律總圖名殘歲嚴程
 喜逐兄縣廨十年琴月冷京塵
 兩度劍霜凝高城擁關晨鐘遠
 小邱邊衙暮雨零桂玉莫
 嫌頭易白幾人牖下鬢常青
 三族叔同赴京
 鴻鴈穿雲北斗華裏糧并僕寂
 無譁清時為客多三士遠道
 逢人羨一家古柳長河流落葉
 短帆斜日逐飛鴉白頭戀
 主心彌切翹首行踪萬里遐

萬一次朱融甫韻 有序

續登韻四本

融甫以海變僑寓府城歷館諸名家來訪出舊藁道

融甫以海變僑寓府城歷館諸名家來訪出舊藁道

故索和且云有河南行色悵然次之

水落霜清澤國秋邊溪水邱寂何求漫遊不作囊空計僑寓

猶懷海嘯憂紫石英綠雲壑長胡麻飯夾菊花浮相逢莫道

先年事轉眼朱顏換白頭

其二

窮經矻矻老年氈魚釜鶉裘不愧天鄭圃著書周禦寇陽城

積學漢劉焉

焉寓陽城山積學教授

看雲未許酬初志嗽口猶堪洗宿

愆他日梁園風雪霽激商枚賦情誰傳

陳還沖按察貴州

舟車雜沓羽旄輝把酒臨岐鼓角催老我漁樵同草木羨君
竹帛滿邊陲飛雲結綺盤螭紐疊水翻空吼地雷魑魅暗消
形勝倍舉頭燕日照深杯

新正卽事六首

獨寢不成寐通宵聞雨聲地爐存宿火山館促殘更世路波
千頃塵緣棋一枰卽醒還是夢先覺有莊生

其二

獨立庭除悄常閒興味元田園容我老詩禮問誰賢雪霽梅
迎雨風輕竹帶烟腳跟原自定邨肯復躑躅

其三

獨坐樓扉敞春光獻歲鮮祥占連日雨凝望徧村烟客斷尊

獨坐樓扉敞春光獻歲鮮祥占連日雨凝望徧村烟客斷尊
罍屏山連鳥鵲喧百年前席意欲語愧陶潛

其四

獨行何所往水畔與山阿漁父方停楫樵人欲爛柯
猶知米價老不減詩魔歸路乘餘興歌聲振薜蘿

其五

獨吟非述作聊自寫襟期當路忘衝節良宵起索衣
喜無陶手壓轉覺沈腰肥不是陽春曲胡爲和者稀

其六

獨酌酬孱寂微風拂几筵雲烟當晝捲簫鼓四隣喧
顧影邀

明月遊神到葛天
煩愁憑有擔不上
醉人肩四
對雨

入春半月雨絲絲
眼見梅疎綠上枝
暖酒爐餘皆長物
對棋
客到是忙時
松蘿疊障圍高閣
簫鼓花燈鬧古祠
安得雲開
風日麗小橋深徑
覓新詩

新正展先安人墓

新成松楸自寂寥
藤蘿盤結草周遭
遠山積雪紛銀浪
高樹
凌風捲素濤
破屋空依僧寺廢
亂流灣繞竹莊坳
迂疎垂老
無勲業深愧淮陰
志量豪

鵠舉

鵠舉
庭空久
羊亡
牢補
遲碧
雲迷
曉野
青藻
轉春
池棋
局開

鵠舉庭空久羊亡牢補遲碧雲迷曉墅青藻轉春池棋局閒
中動漁竿醉後持桃僵能代李瓶罄還羞甌看劍有餘恨借
書寧讓癡才罷志多阻身退名寡知童僕嫌貧懶田園冒歛
治遊惟隨鹿豕卜豈協龍龜弧矢百年在神魂千里馳

老廢

老廢人皆棄身閒道未窮蓬蒿緣砌長桃李出墻濃隣識東
家鄭兒存北海融應門不解事驚座報陳公

讀書篇寄舊友

老年讀書如秉燭日月無光燭火續燭光所及能幾何猶勝
昏昏坐幽谷回頭卻憶少年時漫舞干將驅駟騶胷中無物

動作疎到處蒙譏遭躓踏只今方味典籍功大海無涯歲時
促丈夫生身宇宙間分與乾坤同覆育蹉蛇百歲枕隙中白
首林泉抱黃犢讀書學劍兩成空萬事撐舟上平陸門前忽
報故人來六月清風動脩竹張燈翦韭夜未央冒雨侵晨唱
騷曲人生別易會何難青眼還誰回白屋閉門依舊理殘編
小砌花開映塵躡日長矻矻不爲罷姓名疑在神仙錄

慕蘭爲錢伯升賦

有引

伯升世醫且好琴工書慕蘭其別號云

前人藝蘭蘭正茂一夕西風和雨驟後人藝蘭蘭更宜疎花
密葉分外奇前人遺種後人慕國香自欲當庭戶九畹寧須

楚澤分杏林十里增清芬君不見右軍蘭亭當大路抱琴君
過春將暮操成捉筆寫黃庭滿山花發池鶯鶯花繁種種薔
薇色爭似君家清繞屋依依詎卽不聞香綠樹烏啼紫霧翔

虎子行

有引

時鄰有畜一獸曰虎子也余見而喜走筆賦之

量度身軀纔尺咫儀形頗與鳥圓似未張牙爪氣已雄笑指
驚看羅孺子銀樽寶榼稔生舞鐵圈琳欄瞰雕齒珍畜何疑
過四靈爲憐虎子虎父生虎父山中當絕巘天風一嘯千巖
清豈惟狐兔失三窟豺狼遁跡大道平世間萬物有種族莫
以牢籠想林谷避霧終同豹變文渡河會見龍離瀆惟願常

懷此日恩不向村前噬黃犢變文野所會良語

悼虎子行有引

不數日人報曰烹之矣疊韻悼之

處穴樵居去不咫樵夫視虎牛羊似日斜雲外負薪歸赤手

入穴抱其子毛血雖乾未露睛乳口纔張已釘齒英物天成

性自靈踞牀一吼風將生買到傳看人盡喜柙置廡底座為

清作勢終朝驚李廣宰肉忽使隨陳平橫行山中無二族出

山聲價騰金谷生當首籍通上林死豈尋常棄溝瀆守錢儉

父知不知但向人前詫駒犢

假虎子行有引

又數日人曰狸屬非虎子也疊韻自笑

又數日人曰狸屬非虎子也豐韻自笑

世間真屬寧尺咫古人惡紫與朱似但說狐能假虎威詎意
狸堪充虎子瞥然一見肉眼迷健美經時掛吾齒跋蟪百物
無蠢靈天覆地載同有生經存山海志未悉圖畫卽巧卽能
清入情況也多嫉妬是非美惡誰能平卽非虎子亦虎族跳
浪惟宜在山谷遭時無故出人間指點縱橫入塵瀆尋常得
力免猜疑勸君但養駒兼犢

兀坐

兀坐每成睡出門無所之已爲天地蠹寧作古今思語過意
隨忘客來喜可知世情蠲欲盡取次及吟詩

當晨川上雨田父盡眉開莫濕門前路致妨棋客來

自嘲

胸次本無奇硜硜不可移避讒因遂僻遭躓始知非東海波

常定南山苴更肥優游堪卒歲高自詫黃犧

鄭懋長病後有作見投次韻答之

病後多君思有餘翩翩佳句慰離居沿村早稻登場候薄暮

新涼入幕初菊茂蔭盈苔砌綠月明清映竹簾疎漫嫌風致

終儒素不負柴桑舊隱廬

其二 遊日人曰 賸風非數千世 豈賸自笑

父遺詩書貧亦足子勤稼穡老逾閒身惟玩世葆光臥意在

父遺詩書貧亦足子勤稼穡老逾閒身惟玩世葆光臥意在
延年努力餐染恙始知多白眼得痊寧惜損朱顏莫嫌造化
令人苦生死於今透一關

其三

平時十日五爲歡兩月新詩只自看人道翟門真客斷我知
沈帶惡圍寬困來世事俱成夢健後遊情豈遽闌爲報磯頭
同釣處苔滋疎雨路方乾

生孫

有序

中月得兩孫共前五孫矣因思前兩孫原連月生今
年已十三而兩孫女生亦連月皆長男生者爲感唐

人兒女催人老之句有作

參差兩月兩生孫
十二年前事並論
就傅仍堪同挾冊
騎牛終許偶過村
添丁不問誰眉白
催老寧辭我目昏
景入桑榆真樂幾
謾呼鄰叟一開尊

秋興

袖手坐終日
談詩挹晚風
喜閒身帶疾
得客道忘窮
野曠秋收畢
山明落照濃
雲端書訊斷
邊塞未飛鴻

令人聞邊警

整歲尋樵徑
逢秋動釣綸
蓼花紅滿澗
楓葉赤聯雲
野渡航橫
雨村莊路斷
塵冕旒懷北
闕鼙鼓說西
秦宿有亡羊
恨終

橫雨村莊路斷塵晷旒懷北闕鞞鼓說西秦宿有亡羊恨終
無跨鶴因得隨征虜所還草諭巴文

九日登高

少年跳浪詫豪粗此日登臨已待扶塔古路迷樵客指山空
寺廢野僧孤鼓鞞消息當關振閭里瘡痍望歲蘇莫對茱萸
問強健總無尺寸補

皇謨

大隴新菴

禪關新結構節候共登臨槩勝終難祕茅開始得尋霄昂霞
障列鬼鑿玉巖參遠眺天圍闔幽栖地局深祇園寧足擅盤
谷甫堪任翻愧沉淪久仍兼衰病侵已多陶令菊所少伯牙
琴蓮社秋光老藜燈夜氣沉著書年冉冉種藥晝陰陰便欲

分雲臥高眠聽梵音

喜錢鶴山年文柱顧

不憚塵埃跨一驢遠從山背問幽居白雲紅樹窮鄉社疎雨
寒燈糲飯盡世路險崎同斂跡歲華荏苒各看鬚十年兩晤
隨旋踵肯以迂狂發藥徐

黃爾高按察六旬

我年六秩掛冠歸霜華入髯顏無輝羨君今年方六秩先我
辭榮髻如漆我才違世斂則宜君胡爲者顧委戢麟翅亦爾
空神奇明時自廢漸拊髀古貌人鑒惟知皮近聞鼙鼓關西
震夢裏長驅陷胡陣馮唐魏尚不相知 天子猶然想廉藺

震夢裏長驅陷胡陣馮唐魏尚不相知
天子猶然想廉藺
節近重陽風露清東籬菊綻垂金英
槌牛刺豹薦元醴岡陵
祝頌多名卿笑我迂疎畏城市野贄無能貢雙雉如椽大筆
光我廬對此遙瞻近幾處百年開口幾千場艱難不朽成披
猖沉酣自是長生訣肯問當年枕中說

對菊

綠葉黃花競晚晴亭亭對我酒初醒
冰霜節操寒方見雨露
丰姿老益清脩竹籬邊三徑舊
枯梅窻下一叢明名園近日
多新態寂寞柴桑落故英

久雨四首

昨日滿望今日晴開軒依舊雨陰陰
鄰翁莫問來朝事此日

還同昨日情

其二

四郊昏暗苦潺湲
兀坐空齋意自閒
縱使晴明扶杖出
荒村無客共看山

其三

冬深霰潦自秋初
千里淹淹日無袖
手高樓猶畏濕荷擔
何況在長途

其四

早潦相仍理自然
桂薪珠米未須煎
明年得免雲霓望
始見今非大有年

今非大有年
大矣苦雨

元坐對檐溜淹淹日無休天心不可測慘然生杞憂我聞太
平世和氣通九州五風十日雨天人同忘尤今日果何日晝
夜寒雲浮霽灑三月過滲漏無綢繆飢寒歲且迫何以供征
求 聖神御皇極輔佐皆伊周羗夷且奉法況此良吏陬連
年遭水旱四野無全收乃今復爾爾凋瘵誰能瘳老年不任
事娛意少良謀所喜兩足健雙屐穿雲遊一日不出戶四壁
蛩啾啾寧能常抱膝待月徒登樓丈夫負琦瑰調燮理所僊
不然任一職肯使赤子溝按劍理舊業拊髀生新愁陰竇開
非策陽石鞭無由莫大非天地運育猶多瘦人情勿錯謾雜

採容免偷旱因孝婦死霜借烈士囚一物不得所沴為萬物

戮茫茫霄壤闕此義憑誰修天閻不可叫天意何當酬

登輝悼族弟克中 弟亡不及葬其母

葬母吾言切胡君似不聞牛岡終未覓車槨更難論兩樞飄

風雨孤嫠值戶門非無他骨肉誰復辨周文

末謝鄭懋長書門聯

添我門楣色龍蛇走宿儒老猶勝耒耜貧不少詩書弈世科

名盛傳家節槩殊報瓊惟短句相笑兩成迂今日果何日

天坐除夕

丈夫學道術本為用世資况際昌明會偃息豈其宜時命有

順逆屈伸無賢癡達人從所好一語萬世師顧此百年志夢

丈夫學道術本爲用世資况際昌明會偃息豈其宜時命有

順逆屈伸無賢癡達人從所好一語萬世師顧此百年志夢

寐當惻惻黃河有時清壽命難與期一日何其長一年駒隙

移崢嶸歲忽暮髮短心自疑蘇軾題固始堂詩息不全帶

元旦父出想登堂今日猶昨日新舊何頓殊少者得歲智日長我老歲減趨昏

愚丈夫違世草木腐縱令得歲翻增迂眼前兒女競鮮潔翩

跼拜舞差足娛婆娑老父顧且笑瓦盆酒熱何有予把杯自

慰還自祝百年蝶夢常蘧蘧吳是德幸怱怱今古同期前歎

未忘新正寄顏傳水風興其情斯志致公爵餘願宋育賤東

舉世愛少年世亦誰不老所爲公與卿無不置身早我老才

七

七

更迂出處俱草草君才卓犖年未齊胡亦時常愧妻嫂君雖
未老世老君試指九原與君討漢老起公孫後則宋有顛東
之雖老宰相才引手虞淵杲杲世事悠悠今古同眼前碌
碌何足道歲獻東風入我廬春草池塘句偏少祖宗積德發
有時聊寫新詩豁君抱

喜鄭廷棟妹丈至姜二甥方在飛騰之會走筆贈之時

燈夕也

一日不見如三秋十年瞬息霜滿頭固雖中間消息不全滯
由今思昔如隔世相逢道故各怡然升沉顯晦何足言總角
諸英突已弁椽筆生華當路羨丈夫有子如此足百年何須

瑣瑣詢田園君家孝義世無此文章緣此雲霞起科名近日

瑣瑣詢田園君家孝義世無比文章緣此雲霞起科名近日
復昂霄行看彩翮相飄颻豈惟勳業皇家暢且爲寒門成
宅相月明燈燦酒尊芳高歌一曲簫鼓降驪駒明發不須快
強飯高眠遙可想登堂定約桂香時爲寫河東三鳳詞

贈顏傳次韻

世態新奇詎足吁收書金盡樂偏餘執綏不詭追風範按劍
憑讎賽月珠士自有常貧匪病人誰無過詈爲噓最憐古句
多遐思卷土重來未可知

登山

疑望常疑日月邊飄裾忽漫上峯巔緣知世事無難易只在

乘時用意堅

蕤蘭

虛畹經年覓蕤蘭
閩山楚澤間俱殘
寧知只在長松下
荷鋪移來指顧間

賦小院花

名園大樹裊東風
幾葉盈盈小院中
莫向尊前嘆消索
等閒開落總相同

得梅

莫怪追尋遠
由來意氣傾
無花能並歲
有實可調羹
幾樹垂垂發
孤標款款迎
瞻依殊不俗
肯惜酒如澆



東華圖書館
HUJI LIBRARY

其二

看去殊多致折來尤見清
藥薰銀管馥枝嫋篆烟輕
夜案隨燈燦晨窗帶月明
兒童勤愛惜時展護風屏

悼樓生

隱隱才名藉俊標
昂霄聳壑意方饒
未諳姑性廚中婦
儼報公車死後交
鵬至已知占日策
鹿亡猶憶覆時蕉
庸庸多少空頭白
莫怨脩文早寂寥

偕陳封君爲乃弟相墓地
遂飲渠山莊
遠尋古寺指長松
徧歷荒村憩短叢
獵較我思追魯聖
首邱誰復說周公
湖波倒湧迴風急
山勢高擎落日紅
醉後不須

論郭璞酒經新著葬經同風
山轉高攀落日珠
酒於不

雨中簡顏傳兼博陳茂才一笑
蘇神在思身營望首

我家兄弟惟汝良有財能散
空如常少年解作鸚鵡賦老猶

無路趨明光進多按劍退寡
與又室獨有陳元方不惟德藝

相摩勵八口每藉忘飢荒
今年天路坦如席夏課莊村股同

刺丈夫立志有如此人事天
時豈難測慚予亦作老書生曉

兩臨窻讀周易偶感盈虛理
自然漫寫新詩了忘僻

酒後次顏傳韻
重世愛對湖吳藍風

老年無好態得酒卻多姿
令禁驚新客詞鋒破銳師爾遲騰

石夢我剩借書癡斷送惟憐
此更深詎足辭

喜樓伯章締昏得傅子容女學師主盟邑主助聘蓋一

石夢我剗借書癡斷送惟憐此更深詎足辭
喜樓伯章締昏得傅子容女學師主盟邑主助聘蓋一
時盛事而昏期定秋試後云

壯室未爲晚因親況可崇梁生原擇配顏女肯違翁種石曾
成玉牽絲且得紅他時因謝雉此日詔乘龍當路憐儒素名
宗振古風佳期不須問折桂到蟾宮

西施次韻

苧蘿山下弔西施千古興亡酒一卮垂璧暫迷虞伯去烏騷
單逐項王馳樵村浣浦烟霞致舞館歌臺雲雨思吳越兩邦
誰是主笑啼難處得鴟夷

芙蓉次韻

山風日錄寒英散未泯三

到處秋蓉映素屏山亭風日綻寒英清芬未必輸三徑豔冶
真堪易五城寄遠涉江詩作使伐愁紉佩酒為兵少年多少
疎狂態潦倒相看倍有情

平蕪金鳳花

染指頓添弦上色顧名擬作管中聲

宗懔苦雨

歲晚嫌多雨春深尚未晴嚴寒侵瘦骨餘滲慘高檠清問鄰
家斷繁愁永夜增災祥不須論帝總為蒼生肯蠶餘蘇百會

喜晴

昨夜燈花焰懸知天氣清琴書收宿潤花木吐纖英鳥雀飛

鳴意獨堯鼓舞聲來朝識何狀曳屣且郊行

鳴意芻蕘鼓舞聲來朝識何狀曳屣且郊行

已自

已自飲狂泉親知尚未然言辭徒少味動履率多愆學噪鴉
非鵲矜飛燕比鳶不如安風昔坦蕩任心田

送邵秋元

雪晞風暖四山晴萬木簫疎大道平童入市門俱識價酒清
茅店自懸旌溪流遇隘行猶順竹箭經寒色愈青對景送君
還勒馬一杯難罄百年情

萬一樓集卷十七 終

萬一樓集卷十七

三

萬一樓集卷十

...

...

...

...

...

...

...

...

...



萬一樓集卷十八

諸暨賂問禮子本 著

雜詩

贈陳茂才東歸三首

後二首次顏傳韻

自是程門立雪英問奇亦上草元亭豹文隱霧崇朝變鵬翻

垂雲萬里輕舟泛浣紗興古弔書來玉筍動時名秋風奪錦

能西顧栗赤蕖芳菊酒清

其二

離亭日落亂鴉歸促席飛觴去馬催山勢南來當市立溪流

東去遇潮回數奇有弟還添我好學除君更問誰秋近不須

萬一樓集卷十八

一

論夏課萊衣常傍董生帷
新拜致學劍香更問歸
煉役不

密邱深更蠟炬然五車當讀越青年
九熊雜旨萱暉藹簡騎

籠綃柳色牽賈誼自宜賢
守薦君平曾為俗人占欲知別後

迂疎狀時展雄文對客看
古書來正會應知谷煠風奪

自是端午即事
英問奇水土草
詩亭
陳文
劉霖
崇
醇
變
顯
隔

佳節幽居總是閒
壺觴此日致偏繁
臨軒雨霽逢歸客
登閣

雲開見遠山
魯論官卑功未究
楚騷廢久讀
方殘白頭不分

人多鄙猶學兒童佩
臭蘭

有作卷十八

猶在雕蟲技
蹊蹊擬太元素
心無可寄聊以度殘年

猶作雕蟲技，蹊蹊儼太元。素心無可寄，聊以度殘年。

病起

久與琴書間，仍親倍有情。暑隨新雨退，愁逐曉雲清。交盡曾誰問，圍寬暗自驚。依然誇老健，往事詎須憎。

撥悶

累俗誰爲伍，書空自破顏。生多無影謗，老作有妻鰥。熙日籠烟霧，長松蔭蕙蘭。萬緣皆命定，安分且加餐。

大雨

炎熱連朝意欲狂，沛然一雨送新涼。雲從絕巘出，無盡瀑掛巍巖奮。更長潮上錢塘轟萬馬，氣蒸夢澤混三湘。乾坤大用

原如此自是人心見不常

炎燦楊二尹辭 闕有作次韻

朝端一日彩雲生 萬里雙旌照眼明 共詫福星臨下邑 獨憐

國士未專城 勿論龍劍英英氣 且有綈袍戀戀情 枳棘常留

鸞鳳趾 皇風終拂草廬行

觀社獨坐水隈口占

本尋芳豔路 何意得清幽 孤店臨長岸 丹楓映碧流 樹高寬

避日沙淺曲 藏舟少選人 爭集裝成十里秋

大江東去贈顏傳

丈夫逢世論 勳猷肯讓唐 虞人物獻賦 公車仍報罷 漫說圖

書四壁 兒子犁鋤桑生鐵 現且臥袁安 雪歌聲金石可無前

書四壁倪子犁鋤桑生鐵硯且臥袁安雪歌聲金石可無前
哲英傑○知否江渚芙蓉門墻桃李各得時方發龍劍光芒
射斗牛能向暗中磨滅馬援才宏公孫遇驟何怕生華髮此
衷誰識滿庭芳草明月

催十月菊

千紅萬紫爭春夏寂寥籬徑甘居亞燦爛秋風處處鮮猶自
含英如待價一年好景能幾時蜂愁蝶去霜華滋固知花晚
節更勁其奈歲老人多疑舊醅新釀儲百斛蟹紫橙黃蕢
熟已邀傑客擁歌兒奇豔寧辭映朝旭

豐前韻

人

人間冬日如長夏盈杯總聖誰爲亞臨軒日日待花開況有
新詩紙增價爲問花神今幾時盈盈湛露徒自滋豈爲主人
異陶令欲開不開遲且疑落葉楚畹思千斛寒館惟君相見
熟爲須連夜吐精華莫令再負階前旭

再疊前韻

高標直比黃公夏柴桑已後俱難亞憶昔長安尚少年買斷
秋容不知價年老兼花亦失時小庭瘦榦神徒滋馬援多才
成較晚陽城有待爲何疑一開定識春千斛不比尋常見來
熟風高雲霽天氣清竹亭檀鼎迎新旭

時明府入

觀

且知東安魯郡金不日

典肅三年會旌揚萬里雲漢官推第一周治賴維新送酒籬
邊晚傳書冀北春逢人詢側陋莫道草盈門

又代作

一綬垂三邑雙鳧入五雲衣冠舟次集玉帛
闕前新浣水朝宗勢燕山迤邐春無能偕漢討深愧側龍門

菊開招顏傳

菊本爲重陽十月非其節曾經五月開少遲何足說主人性
太急朝夕催不徹佳客薄青雲新詞徵白雪今日果何日深
宮羅幔揭英攢金錯毬芳襲紋綃頽花旣解人情人可孤花
絕瓊玉洗雙舟錦牋疊千折君來一燦然柴桑讓風月

賞菊疊韻

階除冷落無冬夏
凡事輸人總居亞
獨有寒香十月開
東舍西鄰酒增價
先後榮枯各有時
早發寧如寒歲滋
眼前花卉尚如此
以才遊世夫何疑
惠連詩思真千斛
其奈公車放回熟
夢見猶然得句佳
況與餐英對清旭

遊正覺寺途中口占二首

木落沙明白鷺飛
布袍皮履覓山蹊
眼中天地時清闊
身外古今心定微
賦重相如曾駟馬
道窮孔子亦醯雞
林泉未必真枯槁
乘興長探萬物齊

其二

無司馬誰向東南問隱淪

聖主贈龍學博會試代作

乘傳方從蜀道還更驅車騎入燕關御園春近花枝動絳閣

冬深雪意閒盼路戴星杭古渡望塵攜酒上高山長歌固是

傷離別轉憶蠅隨驥尾難

兩詞又代作

絳帳春風暖銀鞵曉雪殘望雲親命元就日帝城環對策

瞻楓陛傳經憶杏壇臨岐一杯酒衷隱薄陽關

寒江挽棹馨離卮喜見梅開第一枝指日上林春色麗泥金

寒江挽棹馨離卮喜見梅開第一枝指日上林春色麗泥金

先向浣城馳

賦得梅送人會試

淑氣催桃李奇芳早放梅他時調鼎實此日擅春輝月影原
多致冰梢豈待培江南推絕色粧次壓宮眉賦補騷詞缺梁
瞻禹殿巍贈君賓上國津動渴腸回

漫興

林壑蕭條鬢已絲撫時猶切杞人思公孫垂老曾逢世所愧
生無曲學資

小館

小館空庭石砌閑疎花短卉徑苔斑眼前是物皆堪玩何必

寫一
卷

開池種牡丹

獨宿

懶爲當世佛，甘作有妻鰥。此意誰還識，天空雲自閒。

春遊篇

老年春興渾無賴，偶遇良朋如宿戒。溪邊籬落啓柴門，笑呼童子攜清尊。入門小徑幽還曲，四道遠近俱不俗。平田十畝無足論，方圃長陂野色吞。花明柳陌波呈馥，竹繞蔬畦草增綠。叢蘿輳砌日巧房，眉檐斗閣布被牀。主人瀟灑原好客，岸巾拍手語破的。自謂堪方安樂窩，夏多涼蔭冬日和。烏啼清晝棋局動，牛臥晴沙蓑笠縱。我來挾客總才豪，眼空海嶽羞

兒曹寧知邂逅偏周浹任意揮擄忘謔褻潦倒憐予白髮疎
繾綣亦爾紅日晡主人笑我壺已側盤犖添來皆本色吁嗟
行樂須及時杯傳到手且莫辭平泉金谷今安在滄海桑田
眼中改明日晴和及早來莫緣中酒盟因乖

題臺上蘭蕙

到處尋幽菽蕙蘭林深徒自吐花蕃瑤臺今日春風暖可使

人言只等閒

嘆杜鵑

溫露迎曦兩藥鮮定期簇染滿枝妍寧知春老鵑啼急依舊
空條對小軒

空新得起報

黃鶴樓前鼓棹還白頭亦望更登壇君恩終始如天地親壽
公私祝海山世故靜中看愈熟宦情老去夢將闌門庭依舊
堪羅雀槐柳飄飄綠葉翻

我已賦歸來無端起忌猜命非臧氏造機偶塞翁裁咄異書
慚浩嬰娛服有萊林泉春色稔心賞未全乖

爲楊二尹乞辯

烹鮮方試技市虎忽成讒借奉迎家口羈館典僕衫淹依孤
館月消息萬山嵐誰爲陳當道毋輕里巷談

吏部再推不報

吏部再推不報

聖主持衡鑑掄才肯失真

廟廊知有我山海豈無人際遇

殊難定迂疎本易淪丹心懸日月白髮背風雲直北干戈動

終南草木春行藏

嘉惠牛慚負

累朝恩

中秋翫月客有先去者與坐客賦

拉客開軒待月明月方當席客先行分題尚喜詩人在戀景

能將玉犖

筆

停鶴立長松寒影瘦蛩吟四壁遠聲清莫嫌此會

經年隔後夜還看趁宿晴

少年行

裘馬輕肥人辟易說劍談天詫英特歌舞連宵換主家怒揮

萬一
卷七

九

禁令增顏色
朝長宿儉
霜天滿
英林
烟濛
數宵
姓主
寒恣
鞋

其二

美惡雌黃口中易任俠家家堪寄食
來往惟冀橫得錢入手

檇蒲供一擲
是
東
四壘
莫
會

廿九日山菴
圖
天
眼
真
人
世
戀
景

矮屋高坪住一僧
十年再到未為生
兒孫扶侍行忘遠
芋栗

新收致轉增
四野蕭條寒澗出
萬峯羅列白雲層
誅茅便欲

重開徑時倚長松
聽說經
日
且
白
髮
背
風
寒
直
北
千
丈
崖

聖王
白菊
鉢
木
青
尖
具
海
風
吹
育
井
山
嶺
豈
無人
物
戲

冰玉賢人操
嬌芳處女姿
傲霜同皎皎
乘月獨絲絲
海鶴精

神異山雲結聚奇
老翁頭自白相對日催詩

神異山雲結聚奇老翁頭自白相對日催詩
苦貧神舍松張

賞菊次顏傳韻

高士山中服名妃酒後發水清沙白地霜落鴈來時主謾無
風韻扁深絕品題當筵如喜客端欲探新詩人不來怨懶矣

其二

種奇原易發時至不須催豔似迎人笑清便把酒陪小庭斜
日映高榭亂蜂歸更喜餐英子尋常秉筆隨人容琳芬只輸
黃白對菊開新珠豈羨野麻小
晚節寒芳世共誇疎籬短徑景偏嘉霜清曉砌含蒼蘚月上
孤峯映斷霞英綻湘濱餐未厭泉流鄴谷壽增遐年來風韻

山林薄都入長安富貴家

其二

黃白參差間淺紅錯盈瓊
小庭中高標過額輕籠日瘦榦
依杆薄謝風松下石邊遊士致
竹間簾底美人容梅花只解
爭春色能殿羣芳卒歲功

小女歸寧阻雨

經時無好雨忽爾濕蒼苔
意外景難變望中人不來
松溝雲際捲鴈陣閣前排
老婦依依願明朝日早開

喜雪次韻

從秋望雨向冬殷與雪俱來
并作春細點毫芒皆轉色
雄飛

宇宙總增新寒威不入紅爐閣清味偏宜白髮人獨念茅檐
僵臥者恨無大被撫膺頻

長歌行

有引

著文感揚子雲壯夫不爲之語因作

丈夫有手不能擎天控日整頓宇宙斧劈千古圖常執毛錐
抽數黃白慚壯夫丈夫有口不能代天敷命吞吐造化宣陳
四海謨常申喉舌辯問瑣細徒使鄉閭孺子稱狂奴丈夫有
足不能高舉闊步躋濟殿陸從容矩矱承明廬常拖短履殘
山剩水追隨風月蹢躅如鳧雛縱爾目能識賢愚耳能別淑
蠹胸中兀突羅今古耿耿勃勃何所吐公孫曲學三策迂詹

同知喜冲行脩園亭

索綯乘屋家家急爾獨鳩工理舊園增築墻垣防採牧剪除
荆棘藝蘭荃高低萬木含春意遠近千峯送晚妍老祖扶筇
誇幹蠱迂疎日涉得無憐

東南薛居士以詩來訪次韻

尊俎萍逢麥始秋瑤篇親授雪窻幽疏違不爲山川隔落魄
徒驚歲月流蘭葉遍遮松下徑梅花初綻竹邊疇懸車負俗
稀青眼傾蓋憐君過白頭

良文寄顏傳春草共願蘇

出門猶記惠連居到館惟存小令書貧入歲終難作客樂於

物外見真儒園亭荆棘畱詩榻道路冰霜足酒廬好畢尚平
兒女債謾吟春草共飄裾

薛居士韻

結客山林傑士稀得君此念不終違雲巖泉湧傾巫峽雪夜
星明見少微捫蝨話酣拋蠟屐懸魚腐斷賦緇衣授經到處
東南美肯伴閒身對夕暉

薛園亭寄顏傳

舊園新緝剗蒿萊便覺周遭氣象開雙樹擎天雲外出一泓
通海石中來秋風萬壑飄黃葉春雨千家點綠苔安得惠連
同眺望長歌短賦足清裁

贈俞生

別去復何言，叮嚀在文藝。格正理自明，耽奇乃流敝。譬造器
與室，堅渾爲實地。體裁不中程，鏤雕祇增費。豈無童穉憐，識
者鄙而誹。砥柱迴狂瀾，權力輕稟弄。妍媸第隨人，泛海四無
際。君看天匠繩，千古終不異。

歲轉常如舊，徒驚世味新。懼深親漸老，廢久婦忘貧。玉帛陳
廊廟，蒲輪徧海濱。不知林壑意，猶數姓名頻。

探春

爲愛風光好，探春過遠川。壯心難自耗，衰狀恥人憐。竹澗冰

方泮梅林露正鮮
蹉蛇一年計半月又寥然
領人對竹暈來

次韻酬薛省宇

高枕時懷萬里船
短筇曾不過前川
邊塵虎壘消春雪
海汛狼墩起暮烟
致主朝堂多碩輔
論交巖穴有良緣
攜琴莫謾詢奇致
人道疎庸處是禪

簫鼓喧填眾若狂
小亭兀坐獨迴腸
東南賦稅催何急
西北兵戈勢未降
松菊趣成園日涉
稻梁肥詫野人慶
太平原賴宸謨定
露布行看萬里揚

聞捷

里巷歡呼傳勝事
西塞么麼肆諸市
廟謨鑿鑿德動天

里巷歡呼傳勝事西塞么麼肆諸市 廟謨鑿鑿德動天
將略桓桓雄蓋世合圍大戰日月明小醜竄伏嬰孤城黃河
一決濤萬頃犬羊巢穴須臾傾就中論功誰許最浙兵遠去
氣尤銳統領將軍韜略宏奏遣中丞算謀睿專征主帥喜可
知我昔曾知諸健兒貔貅百萬更此益殲寇後食夫何疑大
勳果集天地正天子垂衣四方慶豈惟西北塞塵清東海
波濤一時靜神聖當陽運中興崇功殫績何足驚鼎彝竹
帛賁皇極山河帶礪平台衡丈夫有才合如此嘆我迂疎
百無似朝從西澗飲牛歸暮向南山看射兕註書白首愧壯
夫把劍窺園葵正枯腐同草木分已久俯仰今昔思蓬弧推

穀頻虛當道意命定豈緣神鬼忌且逐隣翁歌太平金石聲
中見古情分西園始中
昂黃睡起對山
夫夫有木合
夫夫有木合

春雨連朝長薜蘿睡醒無賴起高歌機心固息癡翻甚髀肉
從生髻愈蟠措大浮名愁裏得么麼勝際夢中過數聞東海
波濤沸舌在猶思下尉他

姚邑治中並頭蓮和潘秀才作
遙聞赤廨錦亭臯曲檻方塘發異標一榦凌波同挺立雙葩
浥露倍含嬌聯鑣雲路更先宋對繡紗牕未字喬瑞應不須
論往事育英種德屬人豪

首藉餘春風滿座熏蘭芷借箸寧堪展驥材烹鮮製錦如素
諧雅用閭閻識儒者監司次第褒嘉來我慚未覩荊州面引
領隣封興健羨鄭生乃翁余莫逆久期過晤苦無便仙華寶
掌形勝奇麟溪青蘿古道夷探名訪哲老猶健杖履函席思
依依
春衣輓舜傳從兄
荒館寒衾老僕單百年心事語人難廉同陳仲情非矯義比
馮謹用未殫琴韻風清飄去遠詩筒湍急得來殘所嗟瞻族
慚齊相昏雨疎林壁溜潺

其二

灑簫行遊散淡棲縱橫不能總成箭鴈聲
曉關山月草色

灑瀟行遊散淡棲縱橫不就總成旃鴈聲
嘹唳關山月草色萋迷桃李蹊
蔡業微傳徒有女黔衾正覆詎須妻
莫嗟墓冷祠無主只與生前浪跡齊

半長撥悶駐登林
賓鸞列俎鼓黃鍾
驚顧飛鳴若不容
性僻更誰能效
僻技窮至此始爲窮
山河日月千年正
今古賢愚一夢同
掃卻塵埃俱潔地
且沽村釀挾鄰翁

只合沉酣策杖遊
雕蟲刻葉日埋頭
壯心難遣聊爲爾
反使賢豪誚我偷
淑

大隲新庵

深隲新菴幾度來地高雄規任清裁千峯羅列雲霞表萬壑
縈迴市井匡纔說開山人已逝漫尋題句壁多埃桑滄今古
須臾事選勝探奇詎足猜

送潘秋元

濟南經術洛陽才漢殿賢良尚草萊莫訝龍門願慣暴已看
牛斗氣難埋登樓郢曲臨溪賦攬轡驪歌帶雪裁後會不須
論遠近鴈聲偏傍鹿鳴來

萬一樓集卷十八

終

萬世樓集卷十九

諸暨路問禮子本 著

雜詩 漫景 戰 賦 賦


丹水五君子詠四首

有序

對風諛風盛而師友之義薄非一日矣予於五君子皆有
不能忘情者各賦一律以贈若道諛所不敢也

贈俞孟通

英年奇抱待騰騫山館琴書伴服虔
脫粟臨軒常對食短檠
生藥獨忘眠義敦世講情便淡學守師傳教益堅
百尺竿頭
如有步吳蒙三日意懸懸



贈鄭克升日意懇懇

經術才名冠一時更憐魁梧負英姿元方已識難爲弟杜預
還能自得師老去待君成宅相鄙消怪我習醫兒相逢有酒
須同醉莫到分違想玉卮

贈陳任道

怪底英聲襲里閭茂年才氣本來殊五行并下無金簡七檄

俱成待石渠正叔高標門外雪少雅致道中車風流今古

原同調逝景渾疑過隙駒

任道詩學於顏傳舍弟且有婚姻之意云

贈樓生冲元景瞻昆仲

總角操觚思不羣白眉誰是認難真劍沉延浦龍光燦玉長

藍田日色新憶母同心期木刻擇交異致總蘭芬道窮愧我
人皆棄懿戚憐才念獨殷

登樓

登樓時縱目幽思望中新
鴈徙關河雨鵬橫嶺海雲
親交書訊斷名勝道途
綦百歲津津意踳跚總未真

謝圖真者

圖不肖兮非我真
肖兮鄙劣容
一身我身有靈終歸盡
况彼假託能無泯
吁嗟特達古有人
音容萬世常若新
詎如佛老愚世俗
輝煌金碧侈繁縟
我思古人獲我心
意圖不朽力不任
君不見漢家有道隆
輔弼麟閣雲臺何處覓

卷一
七

二

喜得顧廉訪書到

徑曉井轆動門開隣豎需一寒畸士墜十載故人書縱酒輕

軒冕燒琴混里閩何時還促席起我白頭迂

夏白對翦紅羅四首

芍藥時過菊未開綠陰小院碧瑜臺青標赤瓣含芳露時喜

南熏傍琴來

其二

細葉長梢簇簇紅小齋高砌嫋熏風相逢盡賞凌霜操嬌豔

誰憐烈日中

其三

春羅開盡禪秋羅燦爛繁英六月多酒客不來詩興摧斜頭

春羅閑盡禪秋羅燦爛繁英六月多酒客不來詩興搆斜頭
抱膝嘆蹉跎和嶽巖山踏碎巖泉見羊顛騎人冬餘對樹事
關其四也無何衣衣
老來始得花中趣掃徑移牀眼倍明莫惜少年徒碌碌探珠
採玉事難并

題曰悼冢宰元洲張公

偶叨一顧便飛騰獨愧迂疎老負評自是絳侯難賈傅空令
蕭相識韓生凌烟閣峻夷人指箕尾星沉櫪馬驚絮酒束芻
何日奠愁霾飛雨暗江城
寄少司寇梅墩邵公

渭北江東雲樹低
 剡溪清夜雪舟迷
 中興名世古今少
 直道通家生死齊
 秋水鑑湖分我勝
 晚風鯨海待誰釐
 鈞衡指日徵司馬
 莫為衰殘嘆數奇
 移翦秋羅...
 酷日嬌姿不可當
 矜鮮散彩待晨光
 玉容欲貯須金屋
 移向清風綠蔭堂

...來行路難
 次舜傳闕回韻
 閩遊回首尚無何
 奔走當年委似梭
 自諷楚辭歸五柳
 每從顏巷嘆三過
 味嫌雞肋能拋幾
 路畏羊腸誤入多
 縱使關津饒勝槩
 古今英爽暗中磨

九月... 紅... 離復開

九月翦紅羅復開

笑日蒸霞豔本多迎霜仍放兩三顆捲荷引菊尤堪賞掃徑

羅尊待客過

有感

聖君賢輔共憐才忽擬隨停各有裁用老詎嫌官職殿性迂

終恐運籌乖勒銘彝鼎山河並混跡漁樵日月開春雨秋霜

皆大造肯令琴劍蔽塵埃

課種

小園時徙倚周遭多隙地拋棄任繁蕪舉目嫌瑣細呼童荷

短鋤芟蕪蘊無蒂花卉未成栽來牟趁新霽詎止眼前清且

寫
卷九

四

因圖小利何如鄉相家名園饒錦砌金谷既邱虛蘭亭亦遷

異小夫無遠謀聊為朝夕計

種牡丹

小亭幽徑足名花起蕪重栽雪後芽故客尚誇當日種遠懷

思比列仙家按經刻候傳澆法編籥成菴避凍華笑顧老妻

須倍釀春來車馬定紛拏

族弟送花盈十枚與館客同賦

鼎形鐵質蚪紋古車曳瓊投鴈列齊頓覺庭除添氣象便移

奇樹實香泥歡成懶僕忘多事珍重高賢費品題好我不妨

招我僻惠來肯負賞花期

時乾所明府赴 召

化日和風萬彙舒寒厓枯木倍吹噓鳴琴綺閣常懸榻羅雀
 蓬門每住車鯨海波平狼喉熄蠡巖塵淨硯碑渠 圖九重萬
 里徵書急臺省行看氣象殊
 自賦歸來理釣船筆牀茶竈楚騷篇雅知下士猶千慮試問
 浮生幾百年 黼展寂然無夢 疆場勃矣有風烟升沉分
 寸 朝廷澤犬馬私心至死堅
 人事天時理數兼履長嘉慶不須占舊尤搏虎名公薄小技

歲衆至日合祭長中祈

德

萬一變泉 卷七

七

雕蟲後輩嫌松徑清霜迎蠟屐椿庭愛日上珠簾東之已老
姚崇去只合終身守傅巖

季慶甫別號石屏人有以鴈山石屏圖贈之者為題慶

彭山魏巍高入雲山前奇石爭岫嶙就中百尺神鬼削方開

直立尤絕倫鳥啼花發映雲日猿騰虎嘯清風塵主人結屋

大如斗氣吞五嶽常忘貧讀書每思破萬卷揮毫時對陶天

真君不見鴈山一障當路出相傳飛落瑤池濱披圖不須興

遠羨眼前兀突千年春

慰吳心和悼亡

弟有子兄為嗣一子孀孀兩家喜兄失嗣本弟子兩淚汪汪

弟有子兄爲嗣一子孀孀兩家喜兄失嗣本弟子兩淚汪汪
同一瞥弟也含辛猶有貳兄兮子子徒嗟逝憶昨未生情可
知無愁無喜亦無思祇今直與未生似古人之言良有理榮
枯萬類各有時荆庭春暖饒蓀枝

何陋居爲季慶甫題

東鄰西舍足華堂圭竇桑樞存斗室燕泥蜘蛛網鳩春風草色
苔痕映朝日主人不作袁安臥不作相如上林賦門外時來
長者車家頭數冊稗官書非迓富貴甘枯槁文雅風流隨分
好土

送先行上南雍知香人士

青雲坦道我郎當
瞠眼看人上廟廊
況汝驅車非駿轍
望誰

拭土辨龍光
關河鴈落冰霜厲
舍巷星聯燈火長
賦就不須

懷狗監清時賢
俊總周行

苔寒過蕪田
有感不

叢生蔓衍亂遮
羅檠雨翻風
待日多袖手
只憑童孺指
固應

稂莠勝嘉禾

林高雪中遲客

雪勢紛無已
紅爐獨可親
登樓看遠道
掃徑待嘉賓
年邁逾

憂疾身閒更喜
貧清烟浮短竹
脈脈近黃昏

進酒

捲簾移席就斜暉
往事簾條不可追
近屬尚離何論遠
壯圖

捲簾移席就斜暉往事簫條不可追近屬尚離何論遠壯圖
猶拙况當衰門無隙地堪栽柳匣有殘鎌足刈葵分付兒童
休報客且邀山色送深杯

顏傳有作贈長孫入學次韻謝之

老逢勝事每加餐弁藻春風拂鬢斑種豆有歌希世拙植槐
無術望孫難馬羣漸次收沙苑花事蹉跎到牡丹且洗玉舟
邀傑客醉中何必問仙壇

顏傳偕其子藏脩石匣山中因寄時其子小試在優等
秋風萬里定齊驅春暖先騰汗血駒經術濟生猶未老治安
洛少已稱殊樵居遠俗常依豹釣艇乘流不爲魚我亦守株

攜孺子獨違叔度自嫌迂

次顏傳山中雜詠三首

孤窟荆栖別一鄉
紉蘭攜玉蒸驅忙
疎情世俗蘇公力
話舊
儒生杜老傷積雨巖崖俱長溜
初炎草木自生涼
岸冠躡屐
拋書起摘茗烹泉讓雪香

其二

鄉里英賢聚一莊
久儲斗酒未遑將
定知太史遙占德
不謂邯鄲已熟梁
盤谷固惟居李愿
草廬自合有南陽
何時振履穿雲去
蒲簟清分竹徑涼

其三

詎獨山深澗壑幽
風清塵淨不生愁
溪鳧出峽魚爭避
巖月

詎猶山深澗壑幽風清塵淨不生愁溪鳧出峽魚爭避巖月
當牕雨乍收紙碓白春空谷應野蠶盡繭女桑稠聽鶯莫羨

遷喬木鵬鶚橫霄萬里秋

去歲悼徐子清三首

後二首 文顏傳韻

素惜雄才老筆門登臺況見少微昏百家淹貫無今古萬紙

淋漓泣鬼神君復不嫌常在市正平猶幸得全身投珍每憶

蒸蘆館掛劍何時宿草村

赫赫其正士

非徒然也三千莫與傳貴效容斯舊夷感夷

豈特文詞過惠連就中獨行亦堪憐羣居不解隨人笑自廢

從權謝世緣高致似鷹還似鳳適情非菊亦非蓮馬惟更駕

才方見竊憶鄒陽更泣然

豈其

桓桓幕府士非稀珠履三千莫與齊朝貴斂容傳舊表海夷

款塞贖新詩弓藏鳥盡無人傑流水高山孰子期厭世乘槎

定西上鵲橋河畔拾支機

去歲端陽日夏至酬顏傳

去歲端陽雨乍晴包金砌玉新酒清嘉賓滿堂歌舞競好花

映日軒牕明相將半月逢夏至晴中得雨花添致牀頭斗酒

香更烈傑客仍來不須遲今年兩節并一場半晴半雨風露

涼惜景張筵思秉燭拚酣引滿難兼觴况復愁腸暗中結勝

偶... 翔千... 勿... 巢徒... 將... 雅... 向... 思... 白... 雪... 難... 衰... 愈... 小... 亭... 花...

侶翱翔千仞嶮徒將雅句慰相思白雪難廣衷愈熱小亭花
柳雲錦縹小盆瓜李瓊瑤姿默坐長思百年事佳節再并知
幾時共道良辰并不易我意并分亦何異但得君來共筆牀
風雨憂愁總無忌

拏舟備糗望天河千里凌風破浪過欲指乘槎舊時路長年
自託識經多

奇寶橫路側燕石什襲藏世事總如此誰是誰爲狂且盡杯
中物俯仰日月光賈胡母掩口混沌同八荒

中... 賦得木葉蕭蕭落... 井口... 同入...

挾露乘風蔽日飛高飄遠集望中迷仙機翦綵仍穿縷蛺蝶

踰墻更過溪貯待學書帛數柿拾來煮豆不須其鬪梳白髮

羞盈櫛蓼落霜天坐對啼

筆... 問菊... 望天... 何... 下... 且... 寒... 日... 新... 於... 醉... 乘... 林... 蒼... 翻... 視... 其... 手...

重陽節逝月還餘蘊玉含金尚未舒豈似深閨新笄女催裝

無句故徐徐無思

世途... 更... 莫... 其... 不... 思... 非... 意... 共... 衣... 可... 異... 卧... 醉... 深... 來... 共... 筆... 札...

世途坦蕩本無岐于載難明是與非泥古何疑流俗忤背榮

自向野夫宜頻看耒耜春將動起掃庭除日未晞衛武老猶

勤小物道成原不在人知

勤小物道成原不在人知

作舉業文

偽售丁年亦 皇帝都白頭
林下更操觚負暄本欲攜鄰叟
貨玉何期值賈胡路失有時憑
馬得技成無處覓龍屠贅疣枝
指君休訝就裏淵微足自娛

鄭伯安京回過晤

劍負春風上 湘帝都寧期
雪夜共圍爐時因失馬思前事曰

挾雕蟲恥壯夫嘆逝歲除仍拊髀
厭貧親老欲更圖茫茫世

界誰圓缺只合更深博籥呼
聆祭米

對自木假山 岳然並大風
人戴峯嶽如中驚裝好景
采棘林

拔自泥塗裏居然置大庭入簾峯掩映冲漢勢稜層梁棟材
先用鸞鳳翥欲停詎堪爲捷徑聚米偶同成

湖嶼梅舒庾嶺英相看無彼此不是負虛名
巒嶽木假山雪與波濤相射射
巒嶽木假山雪與波濤相射射
巒嶽木假山雪與波濤相射射

董生逢世阨我亦困官明時鏡影不成相蛙聲總爲私漫同
方外士僻忤里中兒夢卜徒多意其如兩髻絲

數奇樂文

數奇因返山中駕自返山中數益奇輿論固多存老馬物情

強坐忽家雞胡攜曼客登高阜倦逐歸鳴過小溪翻笑虞卿

強半忽家雞閱攜漫客登高阜倦逐歸鴉過小溪翻笑虞卿
輕棄相著書無意尚栖栖

重悼葛易齋明府

服

草宿泉厠已十霜鄉閭如昨頌淳龐自憐仲父真知鮑誰識
蘇公善學莊薜荔芳叢深結社蕙蘭明珮舊依棠才賢世守
王含在送別遙瞻劍樹光

時送其賢孫故云

重悼白岡三守

公卿多少愧科名山斗如君不負評大用長空雲自斂雅懷
清夜月常明鶴歸芝繞庭前樹麟臥苔侵碣上銘絮酒未緣
申半面夢中荀御尚思膺

高一卷
次韻酬葛雲嶽二首

解組歸來倏十春，賢豪誰問白頭人。
脩琴入市忘衰老，買畚鋤園習苦辛。
泥裏是非憑世態，客前嗔笑任吾真。
清詞遠訊渾如故，鳥雀榛荆氣亦新。

王舍其二

飢來索食倦來眠，靖節當時詎不然。
相馬誰於牝牡外，賓鴻自在雪霜前。
一籌莫展餘千慮，百歲都閒幾十年。
縱是精神九重勞，夢卜輿圖曾到海山邊。

彈藥次葛雲嶽韻

髮短誰疑心尚長，簷遊挾策總亡羊。
三竿紅日只堪睡，一鷗

白雲無可將石澗午晴魚上瀨山村秋暖稻登場良辰莫道
無佳致竹筮蒲蓑客滿堂

自笑

昏雨晨風動席門驚聞駟馬繞鄉村登龍錦服宜清晝羅雀
荆庭缺上尊錯礪藤纏巖下石蒸嘗綵覆圈中豚高卑執玉
關休咎細讀秦時呂相文

今尚山莊喜諸文學偕兒輩會文

友鹿盟鷗百事輕呼童策蹇冒寒行荒村陋室饒粗糲旭日
清霜破晦冥輪匠疾徐心手應劍娘顧盼鬼神驚翻思少壯
徒多意垂老儀形愧未成

并之睡起

園池臺榭倚嶄巖燕麥搖風手自芟末疾未除終是疾妬讒
何害恐非讒魚龍遠奮千尋浪鵬鴉卑棲萬樹杉壽聖幾人
今尚在晝長眠食靜中甘

關於識感

智者愚其智愚者智其愚鬼物或未識人事熟道車鄙堯笑
周孔管樂窺一隅長驅入秦莽顧謂言者迂

其二

至圓不加規至方不加矩萬形惟所付千古孰能去淫巧末
世滋成法依然主少年樂縱肆謂非時所取

嘉禾植不生稂莠穰而實芟夷恐難殲况復藝使穉芄芄藹
如雲相邀共稱述行看穎後粒反昏色同勃

獻豕入遼東縮首徒自愧臨深以爲高何如日覆簣遲速各
有時聲實不可僞君看岱與嵩萬古孰能毀

好諛本人情氣味必相屬不謂魚目珠則謂砮硃玉顧指白
爲元蒲脯馬爲鹿色別形更殊歡然美而足

其六

寫一變

卷七

七

燕石賈胡笑荆璞卞子別暗投按劍起誰還問明月真僞終
古迷是非路人識輸彼瞽與聾有舌常如結

謂少不足珍賈傳名未湮謂老不足數鷹揚歸尚父朝華惟
取鮮喬木勢拂天物曲各有利相皮終未既

斲輪心手應不能授之子趙括讀父書徒爲世所訾賢愚性
已定箕裘奚足齒安得豪傑才文王不須埃

藥石本苦口吐之已非宜膏梁誰不旨能飽康且肥胡爲恣

淫癖嗜彼腥與葷人性原不遠易察亦易移

不食其十

有鳥不在天有魚不在淵調弓與結網盡法還隨綠優游特

飽暖服御矜新鮮盈車羨閭里猶謂事適然

其十一

力盡馬必逸汲深藉長繙封壇異傾蓋肯使中道失便辟相

悅愉肺肝各堪出轉眼成棄捐副毛已無質

其十二

鑑空妍媸別衡平輕重定大器先自治萬形無不正事變紛

紜馳揮霍漫無柄劑量誰得中優游日將暝

其十三

何以謂之文語到理自得百姓所與知千聖不能易世變風

會流高標恣淫忒牛首蛇為身儀容共誇特

其十四 內愕音誤

孔子畏後生所為年力富魁地企前脩猶恐半塗仆顧謂黃

髮愚蹠躔矜獨步白駒忽過隙落魄徒自愕

其十五

古人不苟合合則懿而固今人重絕人傾蓋總如故時勢少

不齊彼此伎而妬有始方有終素心永無負

其十六

世傳與業周為被明傳云乃心之聲幸身豈真金風雲明

世人薄舉業謂爲敲門磚言乃心之聲倖得豈真詮風雲朝
夕變至理永無遷不係聖賢籍曉曉徒爲然

其十七

服

世事與時遷學術千古一燈無盛與衰正脈昭如日賢智逞
新奇縱橫混文質狂瀾旣已倒塊壤安能尼

其十八

東風入阡陌萬卉生顏色水涸千崖枯松柏凌霄孤此理誰
不識無奈人心忒把酒依寒標猶然春花嬌

其十九

草木區以別造化心無偏大響驚里耳小響豪華捐骨肉異

越人彎弓可無言責善不可驟其然豈其然

其二十

謙卑國色淹高價脂鞭售列子館漿驚秦相宣言授貞淑恥
自媒夸毗驚偏驟今古無不然窮脩外何咎

郊行

心事迂疎孰與論杖藜郊外淨囂紛田邊牛跡新晴路樹杪
蟬聲夕照村山澗流長芳草潤野園徑短小門吞家家補廩
秋收近且偶鄰翁罄一尊

萬一樓集卷十九

終門斯言代心之擊軒於豈真若風雲波

諸暨駱問禮子本 著

古樂府

擊壤歌

擊壤之歌聲詩所始也
太和之時太和之語不可尚
矣予自偃息以來老父年八十餘善飯健走而諸子
孫驅牛抱冊日有成課區區一無所事隨老父飲食
而已自謂於堯舜之民不啻過之因擬其詞然不敢
曰非帝力也

作者自作息者自息欲衣則衣欲食則食帝王之仁天地之

德何以報之萬年無武

牀琴曲

虞舜父頑母瞽弟傲處諧以孝烝烝又不格姦而後

四岳舉之二嫂治棲之說事所無也若焚廩蓋井入

宮而舜在牀琴則不謂盡無蓋在其未克諧之先

耳夫舜知父母之欲殺已必捐戚然不能自安者而

何以琴曾參遭杖而退鼓琴而歌欲令曾皙知其平

也舜之琴豈亦參之意耶作牀琴曲

廩胡爲而焚兮井胡爲而塞兒罪通天兮爲父母惻弟也奔

走拯無策廩既已成灰兮井亦已落石兒且無恙兮惟父母

德弟始鼓舞喜見色禍福無常兮憂喜何憑我鼓我琴兮既
和且平

演易曲

文王演易於羑里其於造化人事盈虛否泰之理見
之熟矣肯以賄而免耶北宮文子曰紂囚文王七年
諸侯皆從之囚紂於是乎懼而歸之此理之可信而
言之有本者也為作演易曲

先天易後天易伏羲始文土成連山歸藏包且并立極寰宇
無古今用涵造化同升沉天既定人且歸王心亦降幽谷輝
商鉞賜周祚丕易在造化非人為帝令後死與斯文紛紛苟

免奚足論 蘇子長亦以此非人欲帝命於天與漢文條條荷

無古采薇歌 蘇子長亦以此非人欲帝命於天與漢文條條荷

伯夷避播棄而就善養名分定矣而不食周粟為殷

乎為周乎惟為周故不殺武為不義人皆知夷之死

殷而不知夷蓋死周也為作采薇曲以白之

朝在山之東暮在山之西縱饑不出山之蹊朝在山之南暮

在山之北縱死不出山之側春風一夜山色肥鮮青嫩綠皆

紫芝林端日落秋風惡筐筐高懸任蕭索非無鉅橋粟不比

岐山潔岐山月照首陽西清霜千里織塵絕

觸槐曲

且其觸槐母也與其觸槐母也

刺客如鉏麀勇且義矣然猶之死也與其觸槐毋寧
逆鱗豈其勇於義而智未足以擇死耶抑尚有別說
耶當是時柄在趙氏其所以死有不可盡知者爲作

觸槐曲

君也淫臣心憂臣也數君心怒附客入府氣如虎相起服客
氣阻槐樹沉沉客死所丈夫一死如太山胡不効力丹陛間
冥冥溝壑如等閒君之弊不若臣之弊君之客寧若臣之客
君客義臣客賊死桃園死槐側千年此獄誰能直晉

楚尹曲

楊鐵崖楚妃曲有虞邱子眞狐狸之句愚謂樊姬信

可尚矣而進孫叔敖者誰乎要未可盡短之也爲作

楚尹曲

惟賢知賢進賢容非賢所以齊鮑叔鄭子皮功在管叔子產
前楚妃笑楚王語楚尹翻然讓且舉猥瑣夷邦成霸功臣祿
厚兮君祿豐吁嗟虞邱兮疇謂非人龍

織屨曲

魯子勝不義宣公予之祿曰吾足矣織屨而食終身
不食兄之食不惟藐陳仲子而中薄吳季札蓋從容
乎采薇之上矣使得政柄其功烈當何如而卒以泯
泯惜哉爲作織屨曲或曰勝何以薄札而上夷蓋札

未免食吳而夷可從箕子之義也

朝織屨暮織屨義既飽食亦足

將廉切

朝織屨暮織屨食不飽

義亦裕兄有祿弟可食胡不補衣但織屨補衣難織屨易不然納屨采薇去薇猶苗王以屨易粟何必問所樹侯度王網一木柱

梁甫吟

諸葛武侯梁甫吟重責晏子蓋自寓其開誠布公之意云爾以區區之蜀武侯為相而關張馬趙輩無不得其歡心過晏子良遠獨恨三士之不遇而以越石父之事觀之晏子恐非妬賢者又疑三士之過也為

續其吟

泰山高嵯峨梁甫在其下
 纍纍三塚齊誰為植梧槨力絕文
 更雄古今匹者寡九原不可作
 駿骨吾欲賈音古叶假士貴器識
 宏魁岸包夷夏自反良無慚
 安往不灑灑一死如鴻毛二桃
 何為者叶勇哉淮陰夫匍匐
 少年跨

一 箜篌曲

然解佩白首狂夫不知胡為亂
 流而渡然披髮攜壺則事亦
 羞衣冠急矣予曾過貴州壘水飛湍
 百丈觸目方洗壯懷而
 博無風見一夫疾走徑奔高崖憑軾視之
 已失其處詢之為
 官司追之急所謂鹿死不擇音者狂夫之渡豈亦猶

此耶則事雖甚愚而意亦可悲矣歲飢中戶無粒米
而追呼倍他日然而逃亡無所也有夫婦相枕席而
不死者感而爲之辭曰丈夫一息嗚呼夫豈因取
鴨綠津頭波浪怒老父亂流鼓且舞直前不顧老妻呼若逃
苦海歸仙都竟將七尺侶魚鼈泰山鴻毛誰與別公平公平
不恤軀公平公平何其愚呂梁懸流二千尺丈人出沒如履
席中流萬頃憑一壺千金不假舟楫扶攜壺不挾呂梁術百
世令人徒嘆息君不見餓虎居泰山懷沙沉汨羅死豈人所
欲致死路亦多夫死意婦死義人知死可悲不知未死之先
狂夫寸心百慮作何計漫引箜篌等兒戲

吾夫進金曲 蘇打何情野 臣等幸甚

谷廷其莊生以廉直聞於國而以故人之千金謾欺其君使

世命人之無故而舍有罪之人即無心於利其金何視其君

不如友視國是不如私交也而況朱公之子竟以取

不歸金死乎為作進金曲 二千八百人出對破錄

千金進死可生千金歸生復刑區區阿堵果何物堂堂楚憲

須臾傾臣忠友義兩無當轉丸覆水九鼎輕君不見柳下有

鼎不可易延陵劍掛徐邱側丈夫一心如矢真豈因兒女生

讒武莊生俠客非義客 而後之無所也 亦大敵 亦無而

荏苒曲 風寒 其濕而意亦何悲矣 誠險中可無絲米

仲尼寬猛之論雖因萑苻而發實則萬世之定論也
或者不察謂慢而後糾之以猛殘而後施之以寬疑
非孔子之言近又有謂言寬猛不若言仁義者不知
寬猛義仁本無二理慢與殘蓋寬猛之過者寬猛不
可過仁義又寧可過哉是皆徒泥其辭而昧夫相濟
以和與夫布政優優之說者也爲作萑苻曲
政貴猛猛必殘仁者所不忍政貴寬寬必慢義者所不爲仁
義治寬猛中恩威著德教通過義剛非至過仁亦非公君不
見萑苻澤中赤子鬪德愛未究兵戈從宣尼至論萬世宗

圃杞曲

人有言曰國將亡聽於神神豈不足憑聽者濫爾南
貝昔蒯以陪臣叛其大夫而筮得吉占非與之蓋誨之也

子服惠伯言之詳矣夫易先王以決嫌疑定猶豫成
天下之亶亶定天下之大業而使亂臣賊子得行其

志而與其謀必不然矣是故兩謀皆當於義而疑於
所從也然後進斷其志若所謀不義而亦許之吉則
嚴君平之不若矣況南蒯之事鄉人皆知其不可者

哉爲作圃杞曲

圃不生杞易不占險淺謀不忠信胡不內自檢人主善天好
選魯臣後其君費宰叛其主以逆相始終天胡能福女比干

剖伯夷餓萬世以爲祥飛廉貴盜跖壽萬世以爲殃禍福惟
人擇其是龜筮由來不知事

屬鏤曲

爾其不勝

父讎當報然而君不可讎也子胥之事世所難言蘇
子瞻謂發其至痛故見恕於君子楊廉夫又責其不
讎費無忌俱各有見愚謂據其一節入楚之後從程
嬰下報公孫之義庶幾不使豁得以爲口實而嬰之
死亦未見爲時中君子所許屬鏤之賜固非其所然
而不愧其父兄亦可以無憾爲作屬鏤曲以足子瞻
之意云

父死讒乎死讒讒臣不死內自慚父死忠子死忠忠臣雖死
心無窮員不來楚盱食越不滅吳側席一鞭楚沼須臾聞屬
鏤血汚鴟夷赤兄死孝弟死忠下報棠君同化璧非其類然

摩笄曲

趙襄子舍其子而立澆可謂不廢先君之舉矣而獨

使其姊有摩笄之恨向磁立澆而代戒君又得所則

襄子奪長出於有意又不可辭矣或謂伯魯所以不

讓立正謂其不欲取代故襄子不得不承父志則周之

人雖其得代又豈伯魯所願哉事固有不可深言者獨悲其

摩笄曲

摩笄曲

常山有符符可得夏屋有洒洒不測銅料擊鐵筭摩慢夫不
仁怨弟如義何兄與姊皆懿親奪姊之地與兄之子兄不嗔
兄弟無情兮山有心雲愁霧結兮千年深

木客歌

句踐約已生聚志在報吳而木客之歌似亦有未厭

民心者其視太王之珠玉皮幣終爲有間所謂霸者
之事也爲續其歌

采木入深山經旬未得還異木如未得深山返無日君王方
臥薪莊麗寧所慰敵人意未測尤物寧待索主辱臣分死況
我黔與黎役死抱高樹戰死填深谿願將高樹駕明堂屈乘

齒長石室旁
衣鉢高掛輝
天賦將靈
飄渺高掛
滿堂風乘
烟蕪斬蛇曲
孤懸端人
意不爾
武林學
替象主
吾且長
旅歸

采木入漢高起亭長五年而成帝業又七年即晏駕以今觀

之一春夢爾人有小小得志而意氣遂盈者援贈處

之義作此曲遺焉



芒碭山深異雲起沛中亭長心喜醉橫長劍夜出遊崢嶸

此志何當酬睜睛怒視無宇宙況論少醜何足戮神光一烟

妖血腥烟雲四散星月明先誅秦後促項消除亂盡大澤決

把酒高歌慰故鄉驪山亡徒入荒長大度宏構策力奇龍城

鳳懸風電馳赤松辟穀潛機早蜚鳥藏弓見事遲將相權帝

王業孰千年不成劫請君莫詫斬蛇時到頭一夢莊生蝶

分羹曲

長安漢高分羹之說出萬不得已亦逆知羽必不至於甘
金匱心知鴻門之謝雖按虎口已多爲之地故爾向使急
與漢計於免父面縛乞哀不過父子同醢卽遷就他詞彼知
魯突圖我以得父爲急反足以速其死無益也或者不察以
爲其負瞽瞍棄天下律之其亦不知變矣此俗儒之說
於天不足發一笑或曰萬一太公不免帝將何以自處
割哀終事斫讎人之頸以告在天之靈大器有主然
後自裁下謝其父而因白其心於天下後世似不爲

晚然此春秋戰國策士之義非古帝王植立天地之

大道也賦以謂之

文麗以書奇天文靈大器亦主然

得天下忘吾親爲不仁不仁何以爲天下君輕天下重吾親
殺其身終不免於親親既不免身豈仁敵人怒父將烹子方
嘻笑圖分羹行道聞之唾且驚卒履帝位撫人辟養以天下
虞舜均當時鼎烹今鼎食誑狙何惜言非質帝道王猷在萬
全所嗟後世貽口實勝負兵家事固常彭城高燕殊非當殺
身易成仁難泰山鴻毛毫釐間分羹謾語非披猖不至於甘

白頭曲

王業
白頭吟始於卓文君文君之自處不惟異於宋人之

妻抑且賤於父母國人矣茂陵之娶相如豈遽棄文
君而遂欲與之決絕其於楚樊姬之義爲何如耶爲

續其吟

令有客鬼有妻落筆驅風雨靚粧謝珠璣鳳求鳳鴈再匹不

煩卜筮陽臺側一當鑪一滌器鄉里雖嗤心不異一日富貴

兩忌猜納新未必舊卽遺叶胡爲戚戚悲噬臍欲白頭在結

髮涉淇當日無秋期叶君不見宋之婦衛之姬丈夫多少空

須眉叶況爾區區臨邛發意

東門行

東門行詠吳起出衛東門事也本詞原無時清不可

為非意後人泥拔劍出門意在為非因有是詞而柳

東宗元遂借之以詠刺客豈以其曾殺謗已者三十餘

蔡世柳人與鮑照頗得題意母子愴別情之自然張駿意以

幾近其東方為春故云云料想之談殊可笑也因儼一章

出東門何所之昂藏軀七尺磊落灑一廬安能貧且賤常為

鄉里嗤秦晉紛戰伐齊魯爭雄雌行當委手取卿相歸報恩

怨谷有差兒把劍母挽衣他人願富貴我重膏肉離黃金終

馬馳遠道何如母子共舖麩恣睢殺人吏不捕如此貧賤亦

可依出東門何所之人生何獨富貴奇敢文瘁淋淋吹嗔魚

關山月類然父母國人矣我劍女幾時吹豈歡樂文

愚讀關山月獨喜王維作謂其詞簡而情景莫加也

愴然久之爲效其響

關山月圓復缺砂磧茫茫白如雪角聲悽切鐵光寒對景思
家腸百結西征車馬度若飛回來箇箇容顏別少婦深閨獨
上樓黠胡近塞方推堞樓中衣襟下血鴈足書隴頭月萬里
同看幾明滅

宋侍中

謝朓於宋齊禪位之際可謂得其道矣而史多責備

報曰宋他事愚謂他事不足責獨可責其不死而管晏豫讓
之流前人皆無貶詞齊自有侍中一言何其溫而厲

哉歌以表之然頌詞齊自齊於中一言其盛而賦

昨日宋今日齊國祚已移國璽將安之宋侍中齊侍中主辱

臣死寧與佐命同引枕高臥本無疾登車遠去疇敢詰讓艱

難嬰從容晉徵士宋侍中千年調誰中庸

同管要人曲

世未有不以子之榮貴為幸者而顏延之獨見疾於

其父曰吾眼中不喜見要人門內之治恩掩義言如

是足以警矣而如其子之不悟何哉作要人曲景思

齊要人王驩偽仲父真漢要人平勃拙子孟勤歇也在楚不

韋蔡眼中所見伊何人伊周千古難與倫世途崎險不可道

勿謂無傷或俾扼吾吭者入吾室笑吾拙炙手門戶堆寒雲
石磻內愧萬石君

鸚鵡洲

人之所難者非才也氣也尤難者器與識疇不知之
顧知之易而踐之難愚讀正平鸚鵡賦其媮婉雅則
何愧聖賢而傲誕無常隨處足以賈禍豈才氣之不
足耶因過鸚鵡洲感而賦之

鸚鵡鸚鵡既入宛何復楚江夏洲沉益非所鴈知時鳳覽德
鷺鷥乘秋橫空擊不矜毛羽弄奇舌山澤雲霄隨所適君不
見鸚鵡洲上汨羅下采石千古長江慘無色翹首南陽山鬱

沉臥龍神變不可測

葉門鼓

王喬漢顯宗時爲葉令而或者謂其卽王子喬按王子喬周靈王太子晉也世相後而謂爲一人前後身耶長生而不死耶愚謂王喬事旣怪王子喬事益怪皆孔子所不語者安知其爲一爲二范蔚宗欲神喬術故托之古仙而不廢或人之說使向復生亦將以喬續列仙矣

雷門鼓葉門鼓聲何洪聽何遠雷鼓猶待擊葉鼓能自鳴轟然朝端百官舞下邑鼓都亭鼓遠有聲近可觀鼓妖君王能

自息人妖千古不堪數君不見城東牛山頭鶴龜鳥當年下
闕庭鳳笙何日重伊洛

臣受性

賦

臣受性賦

高獲與光武有素躬見謂曰敬公朕欲用于爲吏宜
改常性對曰臣受性於父母不可改之於陛下便辭
去其節致亞於子陵矣而吏以方術傳特爲表之

君有吏臣有性吏無常性已定膝下受陛下改臣道宜子道
駭嗚呼人道重冠冕官高何行不可貶嗚呼人情重知交半
面且作終身要道隆勢屈有青史舍汝從我呼小子丈夫挺
挺各有志山月江風隨處是巖灘高高標古臺石城遺廟綠

蒼苔 許志山 瓦風 亂風 長懸 鸞 高高 黔 古臺 汗 池 豈 亂 絲

面且麥已雜 要敢割裝 佩存青史 舍此非和 小干大夫 珠

翅 詔 和 范冉 或作丹 去萊蕪長使兒 搢拾麥得五斛 隣人尹臺

吾亦夷遺之一斛 囑兒莫道冉 後知即令并送六斛 言麥已

雜矣 誓不受 嗚呼 過矣 義不欲受人之一斛也 又烏

可安與人 以五斛哉 然而高風 競致有足尚者 樂為

歌之 與 水 九 竹 素 相 見 歸 相 如 公 知 於 用 干 欲 夷 宜

甌中生塵釜中魚 萊蕪舊長心 自如五斛 搢麥一斛 雜伯夷

盜跖何以說我麥 雖雜爾心明 義耶利耶 鄰里情爾 取少我

取多於已 則得如人何 嗚呼丈夫立身 恥溝壑 黔敖千古不

可作如皆藉口薄於陵只宜逐逐隨青蠅

稷下士

齊宣有稷下之盛孟子所以至齊與稷士且數百千

其所言謂何而孟子以一人能特立於其中耶故曰

吾退而寒之者至其所指有在矣而庶幾改之其故

豈一端哉然不以是孟亦未必至齊吾於稷下有感

焉歌之

稷下士先王聚後王嗣高官厚祿列華居數霸論王更高趾

區區田齊何足多命世能將禮數羅萬鍾不辭弟子養管晏

反手寧惟過髡衍紛紜肆簧鼓東海風流庶幾魯駿馬還因

駿骨來莫謂嘈嘈盡無補

蘆花被

越二而跨三挽強射猛獸上下峻阪如飛為諸將所

服語穎達則折節讀書目五行下吐辭為文不蹈故

常為姚遂所奇執此以往似事不可為而一旦解黃

金虎符於其弟如脫敝屣後復辭禁林清選變易姓

名賣藥於錢唐市中此豈偶然而已其中必有深意

焉而史失其傳撫卷為之三嘆過梁山灤見漁父織

蘆花被欲易之以紬漁父曰君欲吾被當更賦詩遂

賦詩遂

萬一披援筆立成竟持被去人間喧傳蘆花被詩嗚呼豈惟
易被者奇卽織被者不重紬而重詩亦自不凡矣賦
之

蘆花被蘆花襖披襖推車者得已以紬易被何所喜取輕棄
重已可驚重賦輕紬世能幾綺與丈夫用世寧小補文經武
緯今亦古旂常竹帛何但錦繡裘顧欲俯與漁樵市童伍蘆
花白秋風時織爲被吟爲詩被勝綺詩入卮各得所寶心無
疵顧謝靡麗腥穢懷中兒類伏伏被聖公公而致致夫

午橋姨

狄梁公爲相有盧氏堂姨居午橋南別墅公候姨適

見表弟挾弓矢攜雉兔歸因啓姨曰某爲相表弟有

何願悉如其旨姨曰相自爲貴老姨止此一子不欲

願令事女主甘守貧賤外無所望也公慚而退嗟夫

亦白妹姨固非深知公者然森然禮法丈夫所不逮也

魚潛兮於渚溝澮兮曾黍丈喪殯須眉兮寧事女主芻蕘出

雉兔歸毋無喜亦無悲脫粟廚中炊正熟三牲五鼎將何爲

萬一樓集卷三十終

萬一樓集卷三十終

萬一樓集卷三十終

萬一樓集卷三十終



諸暨圖書館
— ZHUJI LIBRARY —

諸暨圖書館

ZHUJI LIBRARY

Blue Cyan Green Yellow Red Magenta White 3/Color Black

TIFFEN Color Control Patches


© The Tiffen Company, 2007

Centimetres
Inches

萬一樓集

諸暨圖書館

ZHUJI LIBRARY



諸暨圖書館
— ZHUJI LIBRARY —

